

四庫全書

史部

欽定四庫全書

史部

水經注集釋訂訛卷二十二至

詳校官監察御史_臣周元良

刑部郎中_臣許兆椿覆勘

總校官原任中允_臣王燕緒

校對官中書_臣吳裕德

謄錄監生_臣范光謙

欽定四庫全書

水經注集釋訂訛卷二十

歸安沈炳巽撰

漾水 丹水

漾水出隴西氐道縣嶓冢山

在今漢中府沔縣西一百二十里

東至武

都沮縣

今為漢中府累陽縣

為漢水

常璩華陽國記曰漢水有二源東源出武都氐道縣

嶓山為漾水禹貢道漾東流為漢是也西源出隴西

嶓塚山會泉

華陽國志曰漢有二源西源出隴西嶓塚山會白水經葭萌入漢此作會泉謠

以白水二字合作泉字

逕葭萌

葭萌秦縣

入漢始源曰沔

漢屬廣漢郡今為廣

元縣屬保寧府

按沔水出東狼谷逕沮縣入漢漢中記曰嶓

塚以東水皆東流嶓塚以西水皆西流即其地勢源

流所歸故俗以嶓塚為分水嶺即此推沔水無西入

之理劉澄之云有水從沔陽縣南至梓潼

今屬四川保寧府

漢壽

今為廣元縣屬保寧府

入大穴暗通罌山郭景純亦言是

矣罌山穴小本不容水水成大澤而流與漢合庾仲

邕又言漢水自武遂川南入蔓葛谷越野牛逕至開

城合西漢水故諸言漢者多言西漢水至葭萌入漢

又曰始源曰沔是以經云漾水出氐道縣東至沮縣

為漢水東南至廣魏

何氏云道元為廣魏者元魏故也

白水

漢書地理

志廣漢郡有白水縣應劭曰出徼外北入漢後漢郡國志廣漢郡白水縣注引山海經曰白水出蜀而東

南入江郭注曰今在縣東元和志利州景谷縣本漢白水縣屬廣漢郡宋為平興縣隋改曰景谷今四川

保寧府昭化縣之白水鎮是也鎮在縣西百里白水在縣北二十里至縣三里合嘉陵江漢巴郡治江州

縣其故城在今重慶府巴縣西大江診其泓注似與三江在縣東南嘉陵江至此入大江

說相符而未極西漢之源矣然東西兩川俱受沔漢之名者議當作義或在茲矣班固地理志司馬彪袁崧

郡國志並言漢有二源東出氐道西出西縣之嶓塚

山地理志隴西郡有西縣禹貢嶓塚山西漢所出南入廣漢白水東南至江州入江關駟云

漢或為漾漾水出岷嶓西北隅至氐道重源顯發而

為漾水又言隴西隴西下當更有西字縣嶓塚山在西西漢水

所出南入廣魏白水又云漾水出獮道東至武都入

漢許慎呂忱並言漾水出隴西獮道東至武都為漢

水不言氏道然獮道在冀之西北又隔諸川無水南

入疑出獮道之為謬矣

漢志獮道屬天水郡應劭曰獮戎邑也音完其故城在今

鞏昌府東二十五里又云漢漾也東為滄浪水山海經曰嶓冢

之山漢水出焉而東南流注于江

按山海經作東南流注于沔注江夏

安陸縣江即沔水

然東西兩川俱出嶓冢而同為漢水者也

孔安國曰泉始出為漾其猶濛耳而常璩專為漾山

漾水當是作者附而為山水之殊目矣余按山海經

漾水出崑崙西北隅而南流注于配

山海經作醜

塗之水

穆天子傳曰天子自春山西征至于赤烏氐己卯北

征庚辰濟于泮水辛巳入于曹奴之原本漏人戲郭注

云戲國人名也觴天子于泮水之上當云辛巳入于曹奴曹

水之上今世所行穆天子傳亦漏此二字遂不可句乃獻良馬九百牛羊七千

天子使逢固受之天子乃賜之黃金之鹿戲乃膜拜

而受余以大和中從高祖北巡狄人猶有此獻雖古

今世殊而所貢不異然川流隱伏卒難詳照地理潛

閼變通無方復不可全言闕氏之非也雖津流派別

枝渠勢懸原始要終潛流或一故俱受漢漾之名納
方土之稱是其有漢川漢陽廣漢漢壽之號或因其
始或據其終縱異名互見猶為漢漾矣川共目殊或
亦在斯今西縣嵯冢山西漢水所導也然微涓細注

若通纂歷津注而已西流與馬池水合

寰宇記馬池源出嵯冢山

又名龍淵水昔人嘗於此得馬頭骨長三尺

水出上邽西南六十餘里謂

之龍淵水言神馬出水事同徐吾來淵之異

按漢書武帝紀

元狩二年馬生余吾水中元鼎四年馬生渥洼水中應劭曰余吾在朔方此云徐吾誤

故因名

馬開山圖曰隴西神馬山有淵池龍馬所生即是水也其水西流謂之馬池川又西流入西漢水西漢水又西南流左得蘭渠溪水次西有山黎谷水次西有鉄谷水次西有石耽谷水次西有南谷水並出南山揚湍北注右得高望谷水次西得西溪水次西得黃花谷水咸出北山飛波南入西漢水又西南資水注之水北出資川導源四壑南至資峽總為一水出峽西南流注西漢水西漢水又西南得峽石水口水出

苑亭曰草里谷

宋本作苑亭
西艸黑谷

三溪西南至峽石口合

為一瀆東南流屈而南注西漢水西漢水又西南合

楊廉川水水出西谷衆川瀉流合成一川東南流逕

西縣故城北秦莊公伐西戎破之周宣王與其大略

大丘之地為西垂大夫亦西垂官也

大畧大丘誤當
作大駱犬丘史

記秦本紀大駱生非子以造父之寵皆蒙趙城姓趙
氏非子居犬丘為周孝王主馬于汧渭之間馬大蕃
息孝王封為附庸邑之秦為秦侯周厲王無道西戎
反王室滅犬丘大駱之族周宣王即位乃以秦仲為
大夫誅西戎西戎殺秦仲有子五人其長曰莊公王
乃與兵五千人使伐西戎破之於是復予大駱地犬

丘井有之為王莽之西治矣建武八年世祖至陽河西岳大夫

竇融等悉會天水震動隗囂將妻子奔西城從揚廣

廣死囂愁

一作孤

窮城守時潁川賊起車駕東歸留吳

漢岑彭圍囂岑等壅西谷水以縑幔盛土為堤灌城城未沒丈餘水穿壅不行地中數丈涌出故城不壞

請蜀救至漢等退還上邽但廣廉字相狀後人因以

人名名之故習謚為揚廉也置揚廉縣焉

後魏地形志漢陽郡

有揚廉縣言本以楊廣名縣因廣字與廉又東南流字相似故謚廣為廉遂習其謚而不改也

右會茅川水

水下疑有出字

西南戎溪東北流逕戎丘城

南吳漢之圍西城王捷登城向漢軍曰為隗王城守

者皆必死無二心願諸將亟罷

原本謫罰宋本謫還今從後漢書改正

請自殺以明之遂刎頸而死又東北流注西谷水亂

流東南入于西漢水西漢水又西南逕始昌峽始昌

縣故城西

在今鞏昌府西河縣北

晉書地道記曰天水始昌縣

故城西也亦曰清崖峽西漢水又西南逕巖

宋本作宕下同

備戍南

戍在西河縣東北

左則巖備水自東南西北注之右

則鹽官水南入焉

鹽官水在西湖縣北自泰州舊天水縣界流入水有鹽官

在嵒冢西五十許里相承營煮不輟味與海鹽同故

地理志云西縣有鹽官是也其水東南逕巖備戍西

東南入漢水漢水又西南合左谷水水出南山窮溪

北注漢水又西南蘭軍

朱本引謝兆申云蘭軍譌宋本作蘭軍而下文又有蘭坑

疑作蘭坑

水出於西北至交谷

宋本作交谷

東南歷祁山軍東

南入漢水漢水又西南逕祁山軍南

祁山在嵒冢之西七十里今在

西河縣北

雞水南出

一作出南

雞谷北逕水南縣西北流

七十里

注于漢漢水又西建安川水入焉其水導源建威西

北山白石戍東南二源水合注東逕建成一作威城南

又東與蘭坑水會水出西南近溪東北逕蘭坑城西

禹貢錐指作蘭倉城今鞏昌府禮縣東南有蘭昌故城東北流注建安水建安

水又東逕蘭坑城北建安城南其地故西縣之歷城

也楊定自隴右徙治歷城即此處也去仇池一百二

十里後改為建安城其水又東合錯水水出錯水戍

東南而東北入建安水建安水又東北有雉尾谷水

又東北有太谷水又北有小祁山水並出東溪揚波
西注又北左會胡谷水水西出胡谷東逕金盤歷城
二軍北軍在水南層山上其水又東注建安水建安
水又東北逕塞峽元嘉十九年宋太祖遣龍驤將軍
裴方明伐楊難當將妻子北奔安西參將魯尚期追
出塞峽即是峽矣左山側有石穴洞人言潛通下辨
所未詳也其水出峽西北流注漢水漢水北連山秀
舉羅峰兢峙祁山在嶓冢之西七十里置

宋本無
置字

山上

有城極為巖固昔諸葛亮攻祁山即斯城也漢水逕其南城南三里有亮故壘壘之左右猶豐茂宿草盖亮所植也在上邽西南二百四十里開山圖曰漢陽西南有祁山蹊徑委迤山高巖嶮九州之名岨天下之奇峻今此山於衆阜之中亦非為傑矣漢水又西南與申宋本作甲谷水合水出西南申谷東北流注漢水漢水又西逕南岸宋本作岬下同二岬今在西河縣北中岬之上下有二城相對左右墳壠低昂亘山被阜古語云南岬

北岬萬有餘家諸葛亮表言祁山縣去沮五百

朱本作出

租五百亦作去沮五百里

有民萬戶囑其丘墟信為殷矣漢水西

南逕武植戍南武植戍水發北山二源竒發合于安

民戍南又南逕武植戍西而西南流注漢水漢水又

西南逕平夸戍南又西南夸水注之水出北山南逕

其戍西南入漢水漢水又西逕蘭倉城南又南右會

兩溪俱出西山東流注於漢水張華博物志云溫水

出烏鼠山下注漢水疑是此水而非所詳也漢水又

南入嘉陵道而為嘉陵水

禹貢雖指今鞏昌府禮縣本漢嘉陵道地屬武都郡

西漢水至此為嘉陵水傅同叔云嘉陵口出鳳州大散關西南嘉陵谷至興州北境當會東漢水而東行安得越東漢而為西漢乎宋人以故道水為嘉陵江大非近志皆承其謬故道水合濁水至樂頭郡入西漢水至今猶然何言會然世俗名之為階陵水非也東漢而不為西漢耶

漢水又東南名

疑得

北谷水東南得城階水

疑作武階

又

東南得倉谷水右三水並出西溪東流注漢水漢水

又東南逕瞿堆西又屈逕瞿堆南

瞿堆即仇池山在今成縣西北百里

絕壁峭峙孤嶮雲高望之形若覆壺其高二十餘里

羊腸蟠道三十六迴開山圖謂之仇夷所謂積石嵯峨嶽岑隱阿者也上有平田百頃煮土成鹽因以百頃為號山上豐水泉所謂清泉湧沸潤氣上流者也

漢武帝元鼎六年開以為武都郡天池大澤在西故

都為目矣

漢志武都郡武都縣東漢水受氐道水一名沔過江夏謂之夏水入江天池大澤在

西縣師古曰以有天池大澤故謂之都

王莽更名樂平郡縣曰循虜縣

常璩范曄云郡居河池一名仇池池方百頃即指此

也左右悉白馬氏矣漢獻帝建安中有大水氏

疑當作天

水揚騰者世居隴右為氐大帥子駒勇健多計略徙

居仇池魏拜為百頃氐王

魏書氐傳氐者西夷之別種三代之際自有君長秦

漢以來世居岐隴以南漢川以西自立豪帥漢武帝遣帥滅之以其地為武都郡自汧渭抵于巴蜀種類

寔繁各有侯王受中國封拜漢建安中有楊騰者為部落大帥騰勇健多計畧始徙居仇池騰後有名千

萬者魏拜為百頃氐王

漢水又東合洛谷

水字

水有二源合同

注一壑於神蛇戍西左右山溪多五色蛇性馴良不

為物毒洛谷水又南逕虎虓戍東又南逕仇池郡西

瞿堆東西南入漢水漢水又東合洛漢水

宋本云當作洛溪下

同水北發洛谷南逕威武戍南又西南與龍門水合
水出西北龍門谷東流與橫水會東北窮溪即水源
也又南逕龍門戍東又東南入洛漢水又東南逕上

祿縣故城西

在今成縣西一百二十里

脩源濬導逕引北溪南總

兩川單流納漢漢水又東南逕濁水城南

亦曰濁水戍在成縣

西又東南會平樂水水出武階

朱云宋本作水出武源但下文數舉武街

則武階當作武街宋本自誤十六國春秋亦作武街

東北四十五里更馳南溪

導東北源流

宋本作道源東北流

山側有甘泉涌波飛流下注

平洛水又逕甘泉戍南又東逕平洛戍南又東入漢

謂之會口漢水東南逕脩城道南

今略陽縣西北有脩城廢縣漢志作

循城屬武都郡與脩水合水總二源東北合漢漢水又東南

於槃頭郡南

今畧陽縣西北一百里有長舉廢縣後魏於此置槃頭郡

與濁水合

濁水在今鞏昌府西和縣境從長道縣界穿入大潭舊鎮合清水入階州

水出濁城北今成

縣有濁水戍亦曰濁水城胡三省云在上祿縣東南武街城西北

東流與丁令溪水

會其水北出丁令谷南逕武街城西東南入濁水濁

水又東逕武街城南故下辨縣治也李含李稚以氏

王楊敵堅疑妻死葬陰平襲武街為氏所殺於此矣

華陽國志永嘉初天水氐叟楊茂搜率種人為寇保據其郡貢獻長安愍帝以胡寇方盛欲懷來戎翟拜驃騎將軍劉曜破長安拜茂搜長子難敵征南將軍少子堅頭龍驤將軍種衆強盛茂搜死敵堅代為主數歲曜自攻武都敵堅南奔李雄至晉壽厚賂雄兄晉壽守將稚曜不獲敵堅引還武都恃嶮驕慢攻走雄陰平太守羅演演稚舅也稚因忽恚白兄舍與雄求征之雄使舍將稚數千人攻時敵妻死葬於陰平舍稚征至下辨入武街城以深入無繼盡為氏叟所破然據此則李倉當作李含楊敵堅妻死當作楊敵妻今廣業宋本作廣漢故城在今成縣西三十里郡治濁水又東宏體

字休水注之水北出溪南逕武階城東而南流注於

濁水濁水又東逕白石縣南

今西和縣有白石鎮城疑即漢縣也胡云今為

成縣治

續漢書曰虞詡為武都太守下辨東三十餘里

有峽峽中白

一作當

水生大石障塞水流春夏輒潰溢

敗壞城郭詡使燒石以水灌之石皆碎

一作

裂因鑄

去焉遂無泛溢之害濁水即白水之異名也濁水又

東南渥陽水北出渥谷南逕白石縣東而南入濁水

濁水又東南與仇鳩水合水發鳩溪南逕河池縣故

城西

今鞏昌府徽州有河池廢縣

王莽之樂平亭也其水西南流

注濁水濁水又東南與河池水合水出河池北谷南
逕河池戍東西南入濁水濁水東南兩當水注之水
出陳倉縣之大散嶺西南流入故道川謂之故道水
西南逕故道城東魏征仇池築以置戍與馬鞍山水
合水東出馬鞍山歷谷西流至故道城東西入故道
水西南流北川水注之水出北洛櫛山南南流逕唐
倉城下南至固冢川入故道水故道水又西南歷廣
香交合廣香川水水出南田縣利喬山

一作穆喬山下同南

流至廣香川謂之廣香川水又南注故道水謂之廣香交故道水又西南入秦岡山尚婆水注之山高入雲遠望增狀若嶺紆曦軒峰駐月駕矣懸崖之側列壁之上有神象若圖指狀婦人之容其形上赤下白世名之曰聖女神至於福應愆違方俗是祈水源北出利喬山南逕尚婆川謂之尚婆水歷兩當縣之尚婆城南魏故道郡兩當縣本漢故道縣魏置兩當縣治也西南至山入故道水故道水右又合黃盧山水水出西北天水

郡黃廬山腹歷谷南流交注故道水故道水南入東

益州之廣業

朱本云宋本作廣漢按後魏地形志東益州有廣業郡無廣漢郡宋本自誤

郡界與沮水枝津合謂之兩當溪

明一統志兩當水在鞏昌府兩當縣

境流入故道川又名故道水

水上承武都沮縣之沮水瀆

沮縣今略陽沮

水在縣東

西南流注於兩當溪虞詡為郡漕穀布在沮從

沮縣至下辨

後漢書虞詡傳注沮及下辨皆縣名沮今興州下辨今成州

山道嶮

絕水中多石舟車不通驢馬負運僦五致一詡乃於

沮受僦直約自致之即將吏民按行皆燒石撿木開

漕船道水運通利歲省萬計以其儲廩與吏士年四

十餘萬也

後漢書虞詡傳羌寇武都以詡有將帥才還武都太守先是運道艱險舟車不通驢

馬負載僦五致一詡乃自將吏士業行川谷由沮至下辨數十里皆燒石槎木開漕船道以人僦直雇僭傭者于是水運通又西南注於濁水濁水南逕槃頭利歲省四十餘萬

郡東而南合鳳溪水水上承濁水於廣業郡南逕鳳

溪中有二石雙高其形若闕漢世有鳳凰至

一作止今從宋

本改

故謂之鳳凰臺

在今成縣鳳凰山唐杜甫有詩亭亭鳳凰臺北對西康州西伯

今寂寞鳳聲亦北去郡三里水出臺下東南流右注

濁水濁水又南注漢水漢水又東南歷漢曲逕挾岷

與挾岷水合水西出擔潭交東流入漢水漢水又東

逕武興城南又東南與北谷水合水出武興東北而

西南逕武興城北

今漢中府略陽縣治即武興故城唐為興州順政縣元和志嘉陵江

經順政縣南去縣百步

謂之北谷水南轉逕其城東而南與一

水合水出東溪西流注北谷水又南流注漢水漢水

又西南逕關城北

關城即今陽平關在寧羗州西北八十里東至沔縣一百七十里

除水出西北除漢

疑作溪

東南流入於漢漢水又西南

逕通谷

唐武德二年分綿谷縣之通谷鎮置金牛縣在今寧羌州金牛驛西三十里庾仲邕曰漢

水自武遂川南入蔓葛谷越野牛逕至閬城合西漢蓋即此通谷水也通溪上承漾水曰獻水口通

谷水出東北通溪上承漾水西南流為西漢水漢水

又西南寒水注之

寰宇記大寒水在三泉故縣南十五里西流至龍門山入大石穴龍

門山在故三泉縣西七十里今在廣元縣東北八十二里其水即禹貢之潛郭璞所謂從沔陽南流至漢

壽入大穴中通峒山西南潛出者也水東出寒川西流入漢漢水又西

逕石亭戍廣平水西出百頃川東南流注漢又有平

水出東山西流注漢水漢水又逕晉壽城西而南合

漢壽水

在今廣元縣南

水源出東山西逕東晉壽故城南而

西南入於漢水也

又東南至廣魏

即廣漢說見前

白水縣西又東南至葭萌縣東

北與羌水合

葭萌縣今為四川保寧府昭化巴縣等地

白水西北出於臨洮縣西南西傾山

西傾山一名嶽臺山洮水出其

東桓水出其南水色白濁東南流與黑水合

水出今鞏昌府

文縣素嶺山

水出羌中西南逕黑水城西又西南入白水

白水又東逕洛和城南洛和水西南出和溪東北流

逕南黑水城西而北注白水白水又東南逕鄧至城

南

城在今文縣西鄧至者羌之別種也

又東南與大夸祝水合水出夸

祝城西南而窮溪北注夷水又東北合羊洪水出東

南羊溪西北逕夷祝城東又西北流屈而東北注於

夷水夷水又東北入白水白水又東與安昌水會水

源發衛大西溪東南逕鄧至安昌郡南又東南合無

累水無累水出東北近溪西南入安昌水安昌水又

東南入白水白水又東南入陰平得東維水水出西

北維谷東南逕維城西東南入白水白水又東南逕

陰平故城南

城在今文縣南四里

王莽更名摧虜矣即廣漢之

北部也廣漢屬國都尉治漢平帝永初三年

按漢紀永初乃

後漢安帝年號今云平帝誤後漢書郡國志廣漢屬國都尉故北部都尉屬蜀郡安帝時以為屬國都尉

別領三城

分廣漢蠻夷置有白馬水出長松縣西南而

疑

白馬漢

疑作溪

東北逕長松縣北而東北注白水白水

又東逕陰平大城北蓋其渠帥自故城徙居也白水

又東偃溪水出西南偃溪東北流逕偃城西

胡引作北而

東北流入白水白水又東逕偃城北又東北逕橋頭

今文縣城東南有橋跨白水上即所謂陰平橋頭也
蜀景曜五年姜維在沓中聞有魏師請護陰平橋頭

以防未然即此沓中昔姜維之將還蜀也雒州刺史
在今沔州衛西南

諸葛緒邀之於此後期不及故維得保劔閣而鍾會

不能入也白水又與羌水合自下羌水又得其通稱

矣白水又東逕郭公城南昔郭淮之攻廖化於陰平

也築之故因名焉白水又東雒川水出西南雒漢

疑作

溪東北注白水白水又東合空冷水傍溪西南窮谷

即川源也白水又東南與南五部水會水有二源西源出五部溪東南流東源出郎谷西南合南注白水

白水又東南逕建陽郡東而北與一水合二源同注

共成三溪西南流入於白水白水又東南逕白水縣

故城東

城在今昭化縣西北九域志云縣有白水鎮即故縣治也

即白水郡治也

經云漢水出其西非也白水又東南與西谷水相得

水出西溪東流逕白水城南東南入白水白水又南

左會東流水東入極溪便即水源也白水又南逕

疑漏

武興城東又東南左得刺稽水口溪東北出便水源

矣白水又東南清水左注之庾仲雖曰清水自邪山

宋本作邪山

來合白水斯為孟浪也水出於平武郡東北

驢累亘下南逕平武城東屈逕其城南又西歷平洛

郡東南屈而南逕南陽郡東北又東北

宋本作東南

逕新

巴縣東北又東南逕始平僑郡南又東南逕小劔戍

北西去大劔三十里連山絕嶮飛閣通

一作通

衢故謂

之劔閣也

劔閣在保寧府劍州北三十里兩岸峻拔鑿石架閣而為棧道

張載銘曰

一人守嶮萬夫趙趙信然故李特至劔閣而嘆曰劉氏有如此地而面縛於人豈不奴才也小劔水西南出劔谷東北流逕其戍下入清水清水又東南注白水白水又東逕於吐費城南即西晉壽之東北也東南流注漢水西晉壽即蜀王弟葭萌所封為苴侯邑故遂城為葭萌矣劉備改曰漢壽太康中又曰晉壽

水有津關

元和志晉壽故城在利州益昌縣東南五十里本漢葭萌縣也此為西晉壽今在昭

化縣界白水即桓水嘉陵江自陝西寧羌州界東南流逕四川廣元縣西又西南逕昭化縣東南又南逕

劍州東又東南入倉溪縣界白水關在寧羌州西
南九十里接昭化界東北去關城一百八十里 段

元章善風角弟子歸元章封簡藥授之曰路有急難

開之生到葭萌從者與津吏諍打傷其破頭者可以

此藥裹之生乃歎服還卒業焉按搜神記生到葭萌與吏爭度津吏搥破

從者頭生開筒得書言到葭萌與吏關頭破者以
此膏裹之云云如此文義始足此段似有脫文 亦

廉叔度抱父柩自沈處也後漢書廉范傳范字叔度京兆杜陵人也祖父丹王

莽時為大司馬庸部牧范父遭喪亂客死於蜀范疑
流寓西州年十五辭母西迎父喪歸葭萌載船觸石

破沒范抱持棺柩遂俱沉溺衆傷
其義鉤求得之療救僅免於死

又東南過巴郡閬中縣

今屬四川保寧府

巴西郡治也劉璋之分三巴此其一焉閬駟曰強水

出陰平西北強山一曰強川姜維之還也鄧艾遣天

水太守王頎敗

宋本敗下尚有之字

於強川即是也其水東北

逕武都陰平梓潼南安入漢水漢水又東南逕津渠

戍東又南逕閬中縣東閬水出閬陽縣而東逕其縣

南又東注漢水昔劉璋之攻霍峻於葭萌也自此水

上張達范強害張飛於此縣漢水又東南得東水口

水出巴嶺南歷獠中謂之東遊水李壽之時獠自牂

牁北入所在諸郡布在山谷其水西南逕宋熙郡東

後魏地形志益州有宋熙郡與巴州相比

又東南逕平城東又東南逕巴

西郡東又東入漢水漢水又東與濩溪水合水出獠

中世亦謂之為清水也東南流注漢水漢水又東南

逕宕渠縣東又東南合宕渠水水西北出鄭縣南巴

嶺與槃余水同源派注南流謂之北水東南流與難

水合水出東北巴山西南注之又東南流逕宕渠縣

謂之宕渠水又東南入漢

錐指引三巴記云閬白水南流曲折三回如巴字

即嘉陵江也自蒼溪縣界東南流逕閬中縣西南又東南逕南部縣東北又東南逕蓬州東又西南逕南充縣東又南入定遠縣界寰宇記云嘉陵水又名閬中水亦曰閬江亦曰渝水華陽國志曰閬中有渝水實民多居水左右天性勁勇銳氣善舞今所謂巴渝舞也宕渠故城在今渠縣東北七十里宕渠水亦名渠江重慶府志嘉陵江自定遠縣流入合州界又一百九十里合渠江又十里至州城東南合涪江又南四十里入巴縣鄆道元以宕渠水為禹貢之潛非是

又東南入漢州江津

當作州據漢志

縣東南入於江

涪水注之故仲雍謂涪內水者也

以今輿地言之漾水出寧羗州北嶓冢山東北流

逕沔縣西南合沔水又東逕沔縣南

寧羗在漢中府西北三百

八十里沔縣在府西少北九十里

又東逕褒城縣南

在府西北四十里沔水去

縣二十四里

又東逕南鄭縣南為漢水

去縣三十里

禹貢所謂

嶓冢導漾東流為漢者也○漾水考證當與漢水

參看

丹水出京兆上洛縣西北冢嶺山

上洛縣今為陝西西安府商州商州志秦

嶺在州西八十里其地有澗曰息邪澗丹水所出
明一統志丹水出商縣竹山東南流入河南界

名高猪山也丹水東南流與清池水合水源東北出清池山西南流入於丹水

東南過其縣南

縣故屬京兆晉分為郡地道記曰郡在洛上故以為名竹書紀年晉烈公三年楚人伐我南鄙至於上洛楚水注之楚水出上洛縣西南楚山晉四皓隱於楚山即此山也其水兩源合舍

宋本無舍字

於四皓廟東又

東逕高車嶺南

太平御覽高士傳高車山上有四皓碑及祠皆漢惠帝所立也漢高后使

張良詣高山迎四皓之處因名高山

翼帶中流北轉入丹嶺

宋本作丹水嶺

上有四皓廟丹水自倉野又東歷兔和山即春秋所

謂左師軍於兔和右師軍於倉野者也

左傳哀四年楚人謀北方

司馬起豐折以臨上洛左師軍於兔和右師軍於倉野杜預曰上洛縣東有兔和山今商州南百四十里

有倉野聚

又東南過商縣南又東南至於丹水縣入於汧

契始封商魯連子曰在太華之陽皇甫謐闡駟並以

為上洛商縣也殷湯之名起於此矣丹水自商縣東

南流注歷少習出武關應劭曰秦之南關也通南陽

郡春秋左傳哀公四年楚左司馬使謂陰地之命大

夫士蔑曰晉楚有盟好惡同之不然將通於少習以

聽命者也

杜預註曰少習商縣武關也將大開武關道以伐晉

京相璠曰楚通

上洛院道也漢祖下浙酈攻武關

浙當作析漢志析縣屬弘農郡今為

河南南陽府內鄉縣史記高帝紀高祖降析酈因酈攻武關破之下浙俱當作析按今商州東有商洛廢

縣即漢商縣也商南山陽鎮安三縣亦商縣地武關在州東一百八十里

文穎曰武關右

疑作

在浙縣西一百七十里弘農界也丹水又東南流

入臼口歷其戍下又東南浙水出浙縣西北弘農盧氏縣大蒿山南流逕修陽縣故城北縣即浙之北鄉也又東入浙縣流結成潭謂之龍淵清深神異耆舊傳云漢祖入關逕觀是潭其下若有府舍焉事既非恒難以詳矣其水又東逕其縣故城北蓋春秋之白羽也左傳昭公十八年楚使王子勝遷許於浙是也郭仲產云相承言此城漢高所築非也余按史楚襄王元年秦出武關斬衆五萬取浙一十五城漢祖入

關亦言下浙鄺非無城之言循之則可矣浙水又歷

其縣東王莽更名縣為古亭也

漢志莽曰古亭此云古亭誤

而南

流入丹水縣注於丹水

丹水源出陝西商縣竹山東流至內鄉與浙水合

故

丹水會洧有浙口之稱丹水又東南逕一故城南名

曰三戶城

在今內鄉縣西南

昔漢祖入關王陵起兵丹水以

歸漢祖此城疑陵所築也丹水又逕丹水縣故城西

南

丹水故城在今內鄉縣西南一百二十里

縣有密陽鄉古商密之地昔

楚申息之師所成也春秋之三戶矣杜預曰縣北有

三戶亭竹書紀年曰士寅孫何侵楚入三戶郭者是

也水出丹魚先夏至十日夜伺之魚疑水郭側宋本作魚

浮水側御覽引此亦同又按抱朴子云丹水丹魚先夏至十日夜伺之魚皆浮水赤光如火網而取之割

其血塗足可以步行水上與此正同赤光上照如火網而取之割其血

以塗足可以步行水上長居淵中丹水東南流至其

縣南黃水出北予山一作北子山黃谷南逕丹水縣南注

於丹水黃水北有墨山在內鄉縣北五十里山石悉黑績彩奮

發黝焉若墨故謂之墨山今河南新安縣有石墨山

斯其類也丹水南有丹崖山

在內鄉縣西一百里

山悉頽壁霞

舉若紅雲秀天二岫更為殊觀矣丹水又南逕南鄉

縣故城東北

城在今南陽府南陽縣西南百里本漢析縣池

漢建安中割南

陽右壤為南鄉郡逮晉封宣帝孫暢為順陽王因為

立順陽郡而南鄉為縣舊治鄴城永嘉中丹川浸沒

至永和中徙治南鄉故城城南門外舊有郡社柏樹

大三十圍蕭欣為郡伐之言有大蛇從樹腹中墜下

大數圍長三丈羣小蛇數十隨入南山聲如風雨伐

樹之前見夢於欣欣不以厝意及伐之吏

孫云疑作更

少

日果死丹水又東逕南鄉縣北興寧末太守王靡之
改築今城城北半據在水中左右夾溪深長及春夏
水漲望若孤洲矣城前有晉順陽太守丁穆碑郡民
范甯立之丹水逕流兩縣之間歷於中之北所謂商
於者也

裴駟

曰有商城在於中故曰商於杜佑曰今內鄉西七里有於村亦曰於中

故張儀

說楚絕齊許以商於之地六百里謂以此矣呂氏春

秋曰堯有丹水之戰以服南蠻即此水也又南合洧

水

水音市若切蓋均字之譌
均與均同詳見後均水注
謂之浙水

水經注集釋訂訛卷二十

欽定四庫全書

水經注集釋訂訛卷二十一

歸安沈炳巽撰

汝水

汝水出河南梁縣勉鄉西天息山

梁縣今為南陽府汝州

地理志曰出高陵山即猛山也亦言出南陽魯陽縣

之大孟山

孟當作孟下同明一統志大孟山在魯山縣西南七十里山頂低窪四圍若城俗呼

為大圍城小圍城山

又言出弘農盧氏縣還歸山博物志曰汝

出燕泉山並異名也余以永平中蒙除魯陽太守會上臺下列山川圖以方誌參差遂令尋其源流此等既非學徒難以取悉既在遘見不容不述今汝水西出魯陽縣之大孟山黃柏谷巖鄣深高山岫邃密石徑崎嶇人跡裁交西即盧氏界也其水東北流逕太和城西又東流逕其城北左右深松列植筠柏交蔭尹公度之所栖神處也

神仙傳尹軌字公度博學五經尤明天文星氣河洛識緯

晚乃學道常服黃精日三合許年數百歲腰佩漆竹筒十數枚中皆有藥言可辟兵疫又能銷鉛為銀銷

錫為金後到太
和山中仙去

又東屆堯山西嶺下水流兩分一水

東逕堯山南為湓水也即經所言湓水出堯山矣一

水東北出為汝水歷蒙柏谷

何氏云以下文觀之則上文之黃亦當作蒙

左右岫壑爭深山阜競高夾水層松茂柏傾山蔭渚

故世人以名也津流不已北歷長白沙口狐白溪水

注之夾岸沙漲若雪因以取名其水南山

當作出

狐白

川北流注汝水又東北趣狼臯山者也

狼臯山一名鳴臯山在汝

州西南
六十里

東南過其縣北

汝水自狼臯山東出峽謂之汝阨也東歷麻解城北
故鄆鄉城也謂之蠻中左傳所謂單浮餘圍蠻氏蠻
氏潰者也杜預曰城在河南新城縣之東南伊洛之
戎陸渾蠻氏城也俗以為麻解城非也蓋蠻麻讀聲
近故也汝水又逕周平城南京相璠曰霍陽山在周
平城東南者也汝水又東與三屯谷水合水出南山
北流逕石碣東柱側刊云河南界又有一碣題言洛

陽南界碑柱相對既無年月竟不知何代所表也其
水又北流注於汝水汝水又東與廣成澤水合水出
狼臯山北澤中安帝永初元年以廣成遊獵地假與
貧民元初二年鄧太后臨朝鄧騭兄弟輔政世士以
為文德可興武功宜廢寢蒐狩之禮息戰陣之法於
時馬融以按融傳文武之道聖賢不墜五才之用無
或可廢後漢書馬融傳注云五才金木水火土也左傳曰宋子罕曰天生五材人並用之廢一
不可誰能作廣成頌云大漢之初基也揆厥靈囿營
去兵也

於南郊右臂三塗左枕嵩嶽面據衡陰箕背王屋浸以波漾演以滎洛金山石林殷起乎其中神泉側出丹水湟池怪石浮磬耀焜於其陂桓帝延熹元年校獵廣成遂幸函谷關其水自澤東南流逕溫泉南與溫泉水合溫水殷一作數源揚波於川左泉上華宇連

蔭茨薨交池石沼錯落其間

順

宋本作順

道者多歸之其

水東南流注廣成澤水澤水又東南入於汝水汝水又東得魯公水口水上承陽人城東魯公陂城古梁

之陽人聚也秦滅東周徙其君於此陂水東南流合

于宋本作于澗水水出北山南流注之又亂流注於汝水

汝水之右有霍陽聚汝水逕其北東合霍陽山水水

出南山杜預曰河南梁縣有霍山者也其水東北流

逕霍陽聚東世謂之華浮城非也春秋左傳哀公四

年楚侵左傳作襲梁及霍服虔曰梁霍周南鄙也建武二

年世祖遣征虜將軍祭遵攻蠻中山賊張滿時厭新

柏華餘賊合攻得霍陽聚即此後漢書祭遵傳建武二年拜征虜將軍入

箕關南擊厯新柏華蠻中賊東觀漢記曰柏華聚也
時新城山賊張滿據險隘遵攻之絕其糧道滿數挑
戰遵堅壁不出而厭新柏華餘賊復與滿水水上疑
合遂攻得霍陽聚遵乃分兵擊破降之

水
水上游疑
漏霍字

又逕梁城西按春秋周小邑也於戰國為南梁矣故
經云汝水逕其縣北俗謂之治城非也以北有注城
故也今置治城縣治霍陽山水又東北流注於汝水
汝水又右合三里水水北出梁縣西北而東南流逕

其縣故城

廢梁縣在今汝州子城東在隋承
休縣又有梁縣在西南四十五里

西故單

孤聚也

單孤當作惡孤史記周本紀秦邊西周公於
惡孤徐廣曰惡音憚惡孤與陽人聚相近在

洛陽南百五十里梁新成之間明地理志云秦滅西
一統志在河南府城外五十里

周徙其君於此因乃縣之杜預曰河南縣西南有梁
城卽是縣也水又東南逕注城南司馬彪曰河南梁
縣有注城史記魏文侯三十二年敗秦於注者也又
與一水合水發注城東坂下東南流注三里水三里
水又亂流入於汝汝水又東逕成安縣故城北按地
理志潁川郡有成安縣侯國也史記建元以來功臣
侯者年表曰漢武帝元朔五年校尉韓千秋擊南越

死封其子韓延年為成安侯即此邑矣世謂之白泉城非也俗謬耳汝水又東為周公渡藉承休之徽號而有周公之嘉稱也汝水又東黃水注之水出梁山東南逕周承休縣故城東為承休水縣故子南國也漢武帝元鼎四年幸雒陽巡省豫州觀於周室邈而無祀詢問耆老乃得孽子嘉封為周子南君以奉周祀

祀

漢書恩澤侯表武帝元鼎四年封姬嘉為周子南君再傳以罪棄市其弟延年紹封元帝初元五年

更封為周承休侯

按汲冢古文謂衛將軍文子為子南彌矣

矣當作牟攬弓衛將軍文子名彌牟

其後有子南勁紀年勁

紀年勁三字史記注

中朝於魏後惠成王如衛命子南為侯秦并六國衛

最後滅疑嘉是衛後故氏子南而稱君也

自按汲冢以下至稱

君也止係史記周本紀周子南君臣瓚註中語

初元五年為周承休邑

周承休故

城在今汝州東隋曰承休縣唐又改為梁縣

地理志曰侯國也元帝置元

始二年更曰鄭公王莽之嘉美

按漢志作莽曰嘉美

也故汝渡

有周公之名蓋藉邑以納稱也謂之黃城水曰黃水

皆非也其水又東南逕白茅臺東又南逕梁瞿鄉西

世謂之期城非也

括地志云周承休城一名梁雀塢在汝州梁縣東北二十五里

按

漢書世祖自潁川在梁瞿鄉馮魴先詣行所即是邑也水積為陂世謂之黃陂東轉逕其城南東流右合汝水

又東南潁川郟縣南

今屬南陽府

汝水又東與張磨泉合水發北阜春夏水盛則南注汝水汝水又東分為西長湖湖水南北五十餘步東西三百步汝水又東扈澗水北出大劉山南逕水蓼

堆東郟城西南流入於汝汝水又右迤為湖湖水南

北八九十步東西四五百步俗謂之東長湖湖水下

入汝古養水也水出魯陽縣

今為南陽府魯山縣

北將孤山北

長岡下數泉俱發東歷永仁三堆南又東逕沙川世

謂之沙水

明一統志沙河源出魯山縣吳大嶺流逕舞陽縣會澧水灰綿封等河東達黃河

歷山符壘北又東逕沙亭南故養陰里也司馬彪郡

國志曰襄城有養陰里京相璠曰在襄城郟縣西南

養水名也俗以是水為沙水故亦名之為沙城非也

又城處水之陽而以陰為稱更用惑焉但流雜間居

梨溉平移

一作築溉類移宋本作梨溉互移

致今川渠異容津途改

狀故物望疑焉又右會董溝水

宋本作董清水

水出沛公壘

西六十許步

沛公壘在汝州東北大劉山南漢高帝入關駐此世祖西征亦駐此故山有大

劉小劉之稱

蓋漢祖入關徃征

一作徃

是由故地擅斯目矣

其水東北注養養水又東北入東長迪

一本無迪字

湖亂

注

注上疑有流字

汝水縣

宋本作也

汝水又逕郟縣故城南春秋

昭公十九年楚令尹子瑕之所城也激水注之水出

魯陽縣之將孤山東南流許慎云水出南魯陽入父

城

在今汝州東南父城堡本殷時應國左傳楚成父城即此漢置縣屬潁川郡

從水敖聲

呂忱字林亦言在魯陽潑水東入父城縣與柏水

宋本

作桓水下同

會柏水出魯陽北山水有二源奇

疑作岐

導二

疑有

於賈復城

在汝州東南一百餘里一名通鵝城

合為一瀆逕賈復

城北復南擊郾所築也

後漢書賈復傳時更始郾王尹尊及諸大將在南方未降

者尚多帝召諸將議兵事未有言沈吟久之乃以檄投地曰郾最強究為次誰當擊之復率然對曰臣請擊郾帝笑曰執金吾擊郾吾復何憂

遂連破之月餘尹尊降盡定其地

俗語訛謬謂之

寡婦城水曰寡婦水北瀆水有窮通故有枯渠之稱
焉其水東北流至父城縣北右注激水亂流又東北
至邾入汝汝水東南左合藍水水出陽翟縣重嶺山

東南流逕紀氏城西有增臺記紀氏臺

在今汝州續
東百餘里

漢書曰世祖車駕西征盜賊羣起邾令馮魴為賊延

裒所坎力屈上詣紀氏羣賊自降即是處

後漢馮魴
傳魴有方

畧建武三年拜虞令以威信稱遷邾令潁川盜賊羣
起邾賊延裒等衆三千餘人攻圍縣舍魴率吏士七
十餘人力戰連日弩矢盡城陷魴乃遁去帝至潁
川魴詣行在所帝知魴力乃嘉之曰此健令也
在

郊城東北十餘里其水又東南流逕黃阜東而南入
汝水汝水又東南流又與白溝水合水出亭城西而
南逕夏亭城西又南逕龍城西城西北即摩陂也縱
廣可一十五里魏青龍元年有龍見於郊之摩陂明
帝幸陂觀龍於是改摩陂曰龍陂其城曰龍城其水
又南入於汝水又東

又東上當有汝水字

南與龍山水會水出

龍山龍溪北流際父城縣故城東昔楚平王大城城
父以居太子建故杜預曰即襄城之城父縣也

朱本云按

漢志潁川有父城縣而沛郡有城父縣此注自說潁川之父城乃忽引楚平城父事故并舉說苑襄城君與黃帝襄城問塗以實杜註
豈父城與城父本為一耶
馮異據之以降世祖用

報巾車之恩也

後漢書馮異傳異字公孫潁川父城人漢兵起異以郡掾監五縣與父城

長苗萌共城守為王莽拒漢光武畧地潁川攻父城不下屯兵巾車鄉異間出行屬縣為漢兵所執光武召見異曰異一夫之用不足為強弱有老母在城中願歸據五城以効功報德光武曰善其水又

東北流與二水合俱出龍山北流注之又東北入於

汝水汝水又東南逕襄城縣故城南王隱晉書地道

記曰楚靈王築劉向說苑曰襄城君始封之日服翠

衣帶玉佩徙倚於流水之上即是水也楚大夫莊辛

所說處

說苑云襄成君衣翠衣帶玉劍履編寫立于遊水之上楚大夫莊辛過而說之遂拜謁曰

臣願把君之手其可乎襄成君忿而不言莊辛曰君獨不聞鄂君子哲有感于越人之歌乎襄成君乃奉

手而進之後乃縣之呂后元年立孝惠後宮子弘為侯國

按史記高后元年封孝惠子義為襄成侯今云弘誤

王莽更名相成也黃帝嘗

遇牧童於其野

莊子云黃帝將見大隗乎具茨之山至於襄城之野七聖皆迷無所問途

適遇牧馬童子問塗焉

故嵇叔夜讚曰奇矣難測襄城小童僂

遊六合來憩茲邦也其城南對汜城周襄王出鄭居

汜卽是此城也春秋襄公二十六年楚伐鄭涉汜而歸杜預曰涉汝水於汜城下也晉襄城郡治京相璠曰周襄王居之故曰襄城也今置關於其下汝水又東南流逕西不羹城南春秋左傳昭公十二年楚靈王曰昔諸侯遠我而畏晉今我大城陳蔡不羹音郎賦

皆千乘諸侯其畏我乎東觀漢記曰車騎馬防以前

參藥勤勞省闥增封侯國襄城羹亭千二百

按傳作三百

五十戶卽此亭也汝水又東南逕繁丘城南而東南

出也

又東南過定陵縣北

湛水出犇縣北

今魯山縣東南有犇城廢縣漢縣屬南陽郡隋曰犇城縣屬襄城郡

齒山西北

在汝州東南五十里

東南流歷魚齒山下為湛浦方

五十餘步春秋襄公十六年晉伐楚報揚梁之役楚

公子格及晉師戰於湛阪

杜預曰襄城昆陽縣北有湛水東入汝

楚師

敗績遂侵方城之外今水北悉枕翼山阜於父城東

南湛水之北山有長阪蓋即湛水以名阪故有湛阪

之名也湛水又東南逕蒲城北京相璠曰昆陽縣北

有蒲城蒲城北有湛水者是也漢

疑作湛

水又東於汝

水九曲北東入汝杜預亦以是水為湛水矣周禮荆

州其浸潁湛鄭玄云未聞蓋偶有不照也今考地則

不乖其土言水則有符經文矣汝水又東南逕定陵

縣故城北漢成帝元延三年封侍中衛尉淳於長為

侯國王莽更之定城矣東觀漢記曰光武擊王莽二

公還到汝水上於涯以手飲水澡頰塵垢謂傅俊曰

今日疲倦諸君寧憊也

當作耶

即是水也水右則渚水

左入焉左則百尺溝出矣溝水夾岸層崇亦謂之為
百尺堤也自定陵城北通潁水於襄城縣潁盛則南
播汝佚則北注溝之東有澄潭號曰龍淵在汝北四
里許南北百步東西二百步水至清深嘗不耗竭佳
饒魚芻湖溢則東注潁水矣汝水又東南昆水注之
水出魯陽縣唐山東南流逕昆陽縣故城西

在今葉縣南

更始元年王莽徵天下能為兵法者選練武衛招募

猛士旌旗輜重千里不絕又驅諸獷獸虎豹犀象之

屬以助威武自秦漢出師之盛未嘗有也世祖以數

千兵激之陽關

按後漢書光武紀當作激之於陽關注聚名也

諸將見尋邑

兵盛反走入昆陽世祖乃使成國上公王鳳廷尉大

將軍王常留守夜與十三騎出城南門收兵於鄧尋

邑圍城數千重

本紀作數十重

雲車十餘丈瞰臨城積弩亂

發天下如雨城中人負戶而汲王鳳請降不許世祖

帥營部俱進頻破之乘勝以敗死三千人徑衝尋邑

兵敗其中堅於是水之上遂殺王尋城中亦鼓譟而
出中外合勢震呼動天地會大雷風屋瓦皆飛莽兵
大潰昆水又屈逕其城南世祖建武中封侍中傅俊
為侯國故後漢郡國志有昆陽縣蓋藉水以氏縣也
昆水又東逕定陵城南又東注汝水汝水又東南逕
奇碓一作額城西北今南潁川郡治也潁水出焉世亦
謂之大潁水爾雅曰河有雍汝有潁然則潁者汝別
也故其下夾水之邑猶流汝陽之名是或潁潁之聲

相近矣亦或下合潁潁兼統厥稱耳

又東南過鄆縣北

汝水逕竒頷城西東南流其城衿帶兩水側背雙流

汝

汝下當有水字

又東南流逕鄆城西東南流其城衿帶兩

水

自城西以下十一字已見上文此應節去

縣故城北故魏下邑也史記

楚昭陽伐魏取鄆是也汝水又東得醴

班志雒縣作澧

水口

水出南陽雒山亦云導源雒衡山即山海經云衡山

也郭景純以為南嶽非也馬融廣成頌曰面據衡陰

指謂是山在雉縣

按漢志雉縣下引太康地志云即陳倉人所逐二童子名寶鷄者雉

止陳倉為石雉止此縣故名雉縣

界故世謂之雉衡山依山海經不

言有水焉然醴水東流歷唐山下即高鳳所隱之山

也後漢書逸民傳高鳳字文通南陽葉人教授業於西唐山中年老執志不倦隱身漁釣於家○明一

統志唐子山一名西唐山在唐縣南一醴水又東南與百里漢高鳳隱居處唐因此山置唐州

臯水合水發臯山郭景純或作章山東流注于醴水

醴水又東南逕唐城北南入城而西流出城城蓋因

山以即稱矣醴水又屈而東南流逕葉縣故城北今屬

南陽府 春秋昭公十五年許遷於葉者也楚盛周衰控

霸南土欲爭強中國多築列城於北方以逼華夏故
號此城爲方城或作方字唐勒奏土論曰我是楚也
世霸南土自越以至葉垂弘境萬里故號曰方城
余按春秋屈完之在邵陵對齊侯曰楚國方城以
爲城杜預曰方城山名也在葉南未詳孰是楚惠王
以封諸梁子號曰葉公城即子高之故邑也葉公好
龍神龍下之河東王喬之爲葉令也每月望常自詣

朝堂

後漢書作
詩臺朝帝

帝怪其來數而不見車騎顯宗密令

太史伺望之言其臨至輒有雙鳧從東南飛來於是

候鳧至舉羅張之但得一隻鳧乃詔尚方診視則四

年中所賜尚書官屬履也每當朝時禁門下鼓不擊

自鳴聞於京師後天下玉棺於堂前吏民推排終不

搖動喬曰天帝獨欲召我耶乃沐浴服飾寢其中蓋

便立覆宿昔葬於城東土自成墳其夕縣中牛皆流

汗喘乏而人無知者百姓為立廟號葉君祠牧守每

班錄皆先謁拜之吏民祈禱無不如應若有違犯亦立能為崇帝乃迎取其鼓置都亭下略無復聲焉或

云即古仙人王喬也是以干氏書之於神化

王喬事具見後

漢書方術傳本出于寶搜神記神化篇

醴水又逕其城東與燒車水合

水西出苦菜山東流側葉城南而下注醴水

朱本作澧下同

醴水又東逕葉公廟北廟前有公子高諸梁碑

皇覽云葉

縣西北去城三里葉公諸梁冢近縣祠之曰葉公丘

舊秦漢之世廟道有雙闕

几筵黃巾之亂殘毀頽闕魏大和景初中令長脩飾

舊宇後長汝南陳晞以正始元年立碑碑字破落遺

文殆存事見其碑醴水又東與葉西陂水會縣南方

城山屈完所謂楚以

一作國

方城以為城者也山有湧

泉北流畜之以為陂故塘方二里陂水散流又東逕

葉城南而東北注醴水醴水又東注葉陂陂東西十

里南北七里二陂並諸梁之所竭也陂水又東逕淝

漢志

陽縣故城北

舞陽縣今屬南陽府其故城在今唐縣東北

又東逕定

陵城南東與芹溝合其水導源葉縣東逕淝陽城北

又東逕定陵縣南入

疑作又

東南流注醴其水逕流昆

醴之間纏絡四縣之中疑即吕忱所謂澠水也今於

定陵更無別水唯是水可當之澧水東逕鄆縣故城

南左入汝山海經曰澧水東流注於澠水也

按山海經曰雅

山澧水出東流注於澠水歲山視水出焉
注云或曰宜為澠水澠水今在南陽也

汝水又東

南流逕鄧城西春秋左傳桓公二年蔡侯鄭伯會於

鄧者也汝水又東南流澠水注之

山海經朝歌之山澠水出焉注云音

武今在南陽舞陽縣

又東南過汝南上蔡縣西

上蔡縣今屬河南汝寧府

汝南郡楚之別也漢高帝四年置王莽改郡曰汝濱

漢志作莽曰汝汾

縣故蔡國周武王剋殷封其弟叔度於蔡

世本曰上蔡也九江有下蔡故稱上竹書紀年曰魏

章率師及鄭師伐楚取上蔡者也建安元年安帝封

鄧騭為侯國

建安乃獻帝年號非安帝按後漢書鄧禹傳安帝永初元年封鄧騭為上蔡侯

汝水又東逕玄瓠

宋本作縣瓠下同今汝寧府北門外有懸瓠池

城北王智

深云汝南太守周矜起義於玄瓠者是矣今豫州刺

史汝南郡治城之西北汝水枝別左出西北流又屈

西東轉又西南會汝形若垂瓠耆彥云城北名焉

上

疑有灣中有地數頃上有栗園栗小殊不並固安之

實也

魏都賦云信都之棗故安之栗注云故安屬范陽出御栗

然歲貢三百石以

充天府水渚即栗州

疑作

也樹木高茂望若屯雲積

氣矣林中有栗堂射埽甚閒敞牧宰及英彥多所遊

薄其城上西北隅高祖以太和中幸懸瓠平南王肅

起高臺於小城建層樓於隅阿下際水竭

一作

降栗

渚左右列榭四周參差競峙奇為嘉觀也

又東南過平輿縣南

按漢志平輿縣屬汝南郡故城在今汝寧府東汝水南

漆水出浮石嶺北青衣山亦謂之表

疑作青

衣水也

明

統志漆水源出開封府密縣

東南逕朗陵縣故城西

故城在汝寧府羅山縣西

南三里應劭曰西南有朗陵山縣以氏焉世祖建武中

封城門校尉城宮

當作臧宮後漢書臧宮傳建武十五年封朗陵侯

為侯國

也漆水又南屈逕其縣南又東北逕北宜春縣故城

北

漢志汝南郡有宜春縣後漢郡國志作北宜春故城在今汝寧府西南

王莽更名之

為宣孱也豫章有宜春故加北矣永元三年安帝封

后父侍中閭暢為侯國

永元乃和帝年號非安帝按後漢書皇后紀安帝元初三

年封后父閭暢為北宜春侯

漆水又東北逕馬香城北又東北入

汝汝水又東南逕平輿縣南安成縣故城北

在今汝寧府城

東南王莽更名至成也漢武帝元光六年封長沙定王

子劉倉為侯國矣汝水又東南汶

孫云當作陂

水注之水

首受慎水於慎

何氏云慎當作瀕漢志慎陽下注云關駟曰永平五年失印更刻遂誤水

為心陽縣故城

在今汝寧府城南八十里

南陂陂水兩分一水自陂

北逕

宋本作逕

慎陽城四固

一作固

城塹潁川荀淑遇縣人

黃叔度於逆旅與語移日

原本謠曰

曰子吾師表也范曄

論曰黃憲言論風旨無所傳聞

原本謠文

然士君子見之

者靡不深服

後漢書作服深

遠去疵吝將以道周性全無得

而稱予塹水又自瀆東北流注七陂一水自陂東北

流積為同陂陂水又東北又結而為陂世謂之害陂

陂水上承慎陽縣北陂東北流積而為土陂陂水又

東為害陂陂水又東南流注壁陂陂水又東北為太

陂陂水又東入汝汝水又東南逕平陵亭北又東南

逕陽遂鄉北汝水又東逕樂亭北春秋之棘櫟也杜

預曰汝陰新蔡縣東北有櫟亭今城在新蔡故城西

今屬汝寧府

北半淪水汝水城

疑北

宋本作故城西北城北半淪水汝水又東

南又東南逕新蔡縣故城南昔管蔡間王室放蔡叔而

遷之其子胡能率德易行周公舉之為魯

宋本無魯字

卿

士以見於王王命之以蔡中呂

二字未詳

地也以奉叔度

祀是為蔡仲矣宋忠曰故名其地為新蔡王莽所謂

新遷者也世祖建武元年封吳國為侯國

按後漢書吳漢傳漢

於建武二十年薨子成嗣二十八年分漢封為三國成子旦為濯陽侯旦弟盱為筑陽侯成弟國為新蔡

侯則吳國新蔡之封乃二十八年今云元年誤

汝南先賢傳曰新蔡鄭敬字

次都為郡功曹都尉高懿聽事前有槐樹白露類甘

露者懿問掾屬皆言是甘露敬獨曰明府政未能致

甘露但樹汁耳懿不悅託疾而去汝水又東南左會

潁水水上承汝水別流於奇頡城東東南流為練溝

逕邵陵縣西東南流注至上蔡西岡北為黃陵陂陂

東流於上蔡岡東為蔡塘又東逕平輿縣故城南為
潁水縣舊沈國也有沈亭春秋定公四年蔡滅沈以

沈子嘉歸後以為縣史記曰秦將李信攻平輿敗之

者也建武三十年世祖封鉞統為侯國

按後漢書鉞期傳期卒謚

忠侯子丹嗣復封丹弟統為建平侯似非平輿或別有據也

於宋本作本

汝南郡治昔

費長房為市吏見王壺公懸壺郡市長房從之因而

自遠同入此壺隱淪仙路骨謝懷靈無會而返雖能

役使鬼神而終同物化

費長房事具見後漢書方術傳

城南里餘有

神廟世謂之張明府祠水旱之不節則禱之廟前有
石碑文字素碎不可復尋碑側有小石函按桂陽先
賢畫讚臨武張熹字季智為平輿令時天下大旱熹
躬雲東獲熹應

此句有謬誤朱本引宋
本作熹躬雲未獲嘉應

乃積柴自焚

主簿崇小史張化從熹焚焉火既燎天靈感應即澍
雨此熹自焚處也澍水又東南左逆為葛陂陂方數
十里水物含靈多所苞育昔費長房投杖於陂而龍
變所在也又劾東海君於是陂矣

後漢書方術傳費
長房辭壺公歸翁

與一竹杖曰騎此任所之則自至既至可以杖投葛陂中也長房乘杖須臾來歸投杖于陂顧視則龍也後東海君來謁葛陂君因淫其夫人長房劾繫之三年而東海大旱長房至海上見其人請雨乃謂之曰東海君吾前繫之葛陂今方出之使作雨也於是雨立注陂水東出為鰲水今在新蔡縣漢因此水置鰲陽縣其故城亦在新蔡縣界俗謂之三丈陂亦曰三嚴水

水逕鰲陽縣故城南應劭曰縣在鰲水之陽漢明帝

永平中封衛尉陰興

當作興後漢書陰識傳識弟興卒封興子慶為鰲陽侯

子

慶為侯國也縣有葛陵城建武十五年更名封經侯

鉞丹為侯國

後漢書鉞期傳期子丹嗣封安成侯後徙封葛陵侯今云經侯未詳城之

東北有楚武王家民謂之楚王瑟城

瑟城當作琴城按三十二卷注

云楚人謂冢為琴六安縣都陂中
有大家民傳曰公琴即臯陶冢也

城北祝社里下土

中得銅鼎銘曰楚武王是知武王遂也鮑陂東注為

富水水積之處謂之陂塘津渠交絡枝布川隰矣潏

水自葛陂東南逕新蔡縣故城東而東南流注於汝

水又東南逕下桑里左迤為橫塘陂又東北為清陂

者也汝水又東南逕壺丘城北故陳也春秋左傳文

公九年楚侵陳剋壺丘以其服於晉是也汝水又東

與清陂合水上承慎水於慎陽縣之上慎陂右溝北

注馬城陂陂西有黃丘亭陂水於

疑作又

東逕新息亭

北又東為網陂

一作網陂

陂水又東逕新息縣

今為汝寧府新息縣

結為牆陂陂水又東逕遂鄉東南而為壁陂又東為

青陂陂東對大呂亭春秋外傳曰當成周者南有荆

蠻中呂姜姓矣

鄭語史伯語鄭桓公當成周者南有荆蠻申呂應鄧陳蔡隨唐蔡平

侯始封也西南有小呂亭故此稱大也側陂南有青

陂廟廟前有陂漢靈帝建寧三年新蔡長河南緱氏

李言上請修復青陂司徒臣訓尚書臣襲奏可於洛陽宮青陂東塘南樹碑碑稱青陂在縣坤地源起桐柏淮川別流入於潁潁逕新息墻坡

宋本作阪

衍入褒信

界灌溉五百餘頃陂水又東分為二水一水南入淮一水東南逕白亭北又東逕吳城南史記楚惠王二

年子西召太子建之子勝於吳勝入居之故曰吳城也又東北屈逕壺丘東而北流注於汝水世謂之薄

溪水汝水又東逕褒信縣故城北而東注矣

今息縣東北有

褒信
廢縣

又東至原鹿縣

汝水又東南逕縣故城西杜預所釋地曰汝陰有原

鹿縣也

南入於淮

所謂汝口水側有汝口戍淮汝之交會也

水經注集釋訂訛卷二十一

欽定四庫全書

水經注集釋訂訛卷二十二

歸安沈炳巽撰

潁水

洧水

潯水

潩水

潁水出潁川陽城縣西北少室山

陽城縣今為河南府登封縣

秦始皇十七年滅韓以其地為潁川郡蓋因水以著稱者也漢高帝二年以為韓國王莽之左隊也山海

經曰潁水出少室山地理志曰出陽城縣陽乾山

明一

統志陽乾山在登封縣東二十五里今潁水有三源竒發右水出陽乾

山之潁谷春秋潁考叔為其封人其水東北流中水

導源少室通阜東南流逕負黍亭東春秋定公六年

鄭伐馮滑負黍者也馮敬道顯志賦曰求善卷之所

在遇許由於負黍京相璠曰負黍在潁川陽城縣西

南二十七里世謂之黃城也亦或謂是水為滌水東

與右水合左水出少室南溪東合潁水故作者乃舉

二三言水所發也呂氏春秋曰卞隨恥受湯讓自投
此水而死張顯逸民傳嵇叔夜高士傳並言投洄水
而死未知其孰是也朱謀瑋曰呂覽云卞隨自投於
洄水而死莊子云自投於稠洄水而死司馬注本作洄水云洄水在潁陽瑋按潁洄古
字通用故禮潁衣一作綢是其例也稠洄二字皆誤
耳

又東南過其縣南

潁水又東五渡水注之其水導源崇

一作嵩按漢志潁川郡有嵩高

縣武帝置以奉太室山是為中岳
師古曰嵩古崇字今為登封縣地高縣東北太室東

溪縣漢武帝置以奉太室山俗謂之崧陽城及春夏
雨泛水自山頂而迭相灌澍崕流相承為二十八浦
也陽旱輟津而石潭不耗道俗遊憇者唯得飡飲而
已無敢澡盥其中苟不如法必數日不豫是以行者
憚之山下大澤周數里而清深肅潔水中有立石高
十餘丈廣二十許步上甚平整縑素之士多泛舟昇
陟取暢幽情其水東流南陽城西石溜縈委湖者五
涉故亦謂之五渡水東南流入潁水潁水逕其縣故

城南昔舜禪禹禹避商均伯益避啓並於此也亦周

公以土圭測日景處漢成帝永始元年封趙臨為侯

國也

按漢書外戚恩澤侯表趙臨以皇后父封成陽侯不封陽城侯且成陽屬汝南郡陽城屬潁川

郡今潁水所歷自在潁川境內恐與汝南無涉縣南對箕山山上有許由冢

原本

堯所封也故太史公曰余登箕山山上有許由

墓焉山下有牽牛墟側潁水有犢泉是巢父牽牛處

也石上犢跡存焉

高士傳云許由隱於潁水之陽箕山之下堯召為九州長由洗耳於

潁水濱其友巢父牽犢欲飲之見由洗耳問之知其故曰子若處高岸深谷人道不通誰能見子乃浮遊

求其名譽汚吾犢口
牽犢上流而飲之

又有許由廟碑關

朱本
作閼

尚存是

漢潁川太守朱寵所立潁水逕其北東與龍淵水合
其水導源龍淵東南流逕陽城北又東南入於潁潁
水又東平洛溪水注之水發玉女臺下平洛澗世謂
之平洛水呂忱所謂汧水出陽城山蓋斯水也又東
南注於潁潁水又東出陽城關歷亭東南

宋本作歷
康城南

魏明帝封尚書右僕射衛臻為康鄉侯此即臻封邑

也

又東南過陽翟縣北

陽翟縣今為開封府鈞州

潁水東南流逕陽關聚聚夾水相對俗謂之東西二土城也潁水又逕上棘城西又屈逕其城南春秋左傳襄公十八年楚師伐鄭城上棘以涉潁者也縣西有故堰堰石崩禡潁基尚存舊遏潁水枝流所出也其故瀆東南逕三封山北今無水渠中又有泉流出焉時人謂之嵎水東逕三封山東東南歷大陵西連山亦曰啓筮亭啓享神於大陵之上即鈞臺也

在今鈞州

城北春秋左傳曰夏啟有鈞臺之饗是也杜預曰河門外

南陽翟縣南有鈞臺其水又東南流水積為陂陂方十里俗謂之臺陂蓋指鈞臺取名也又西南流逕夏亭城西又屈而東南為邾之靡陂潁水自竭東逕陽翟縣故城北夏禹始封於此爲夏國故武王至周曰吾其有夏之居乎遂營洛邑徐廣曰河南陽城陽翟則夏地也春秋經書秋鄭伯突入於櫟左傳桓公十五年突殺檀伯而居之服虔曰檀伯鄭守櫟大夫櫟

鄭之大都宋忠曰今陽翟也周末韓景侯自新鄭徙都之王隱曰翟本櫟也故潁川郡治也城西有郭奉孝碑水側有九山祠碑叢柏猶茂北枕川流也

又東南過潁陽縣西

故城在今登封縣西南八十里

又東南過潁陰縣西南

應劭曰縣在潁水之陽故邑氏之按東觀漢記漢封車騎將軍馮防為侯國防城門校尉位在九卿

上絕席

後漢馬援傳援次子防貴寵最盛與九卿絕席封潁陽侯今云馮防誤

潁水又

南逕潁鄉城西潁陰縣故城在東北舊許昌典農都

尉治也後改為縣魏明帝封侍中辛毗為侯國也

魏志

辛毗封潁鄉侯潁水又東南逕柏祠曲東歷置臺北陂陂水

南流積為江陂南逕慎城西側城南流入於潁潁水

又逕慎縣故城南縣故楚邑白公所居以拒吳春秋

左傳哀公十六年吳人伐慎白公敗之王莽之慎治

也世祖建武中封劉賜為侯國潁水又東南逕蜩螬

郭東俗謂之鄭城矣又東南入於淮春秋昭公十二

年楚子狩于州來次子潁尾蓋潁水之會淮也

又東南至慎縣東南入於淮

慎縣故城在今鳳陽府潁州潁上縣西北

潁水東南流左合上吳百尺二水俱承次塘細陂南

流注於潁水潁水又東南江

宋本作流

陂水注之水受大

滌

朱本作崇

丘城南故汾丘城也春秋左傳襄公十八年

楚子庚治兵於汾司馬彪曰襄城縣有汾丘杜預曰

在襄城縣之東北也

襄城縣今屬開封府

逕繁昌故縣北

原本謄此

繁昌城在今開封府臨潁縣城北

曲蟲之繁陽亭也魏書國志曰文

帝以漢獻帝延康元年行至曲蟲登

按獻帝傳曰辛未魏王登壇受

禪此漏壇受二字

禪於此地改元黃初其年以潁陰之繁陽亭

為繁昌縣城內有三臺時人謂之繁昌臺壇前有二碑昔魏

文帝禪於此自壇而降曰舜禹之事吾知之矣故其

石銘曰遂於繁昌築靈壇也於後其碑六字生金論

者以為司馬金行故曹氏六世遷魏而事晉也

魏志繁昌

縣受禪石碑中生金表送上羣臣畫賀

潁水又東南流逕青陵亭城北

北對青陵陂陂縱廣二十里潁水逕其北枝入為陂

陂西則潏水注之水出襄城縣

疑作襄城縣若作襄城則屬陝西漢中府

恐非潁水所逕之地也

之邑城下東流注於陂陂水又東入臨

潁縣之狼陂潁水又東南流而歷臨潁縣也

臨潁縣今屬開

封府

又東南過臨潁縣南又東南逕汝南潁陽縣北洧水從

河南密縣

今屬開封府

東流注之

臨潁舊縣也潁水自縣西小潁水出爾雅曰潁別為

沙郭景純曰皆大水溢出別為小水之名也亦猶江

別為沱也潁水又東南逕澤城北即古城臯亭矣春

秋經書公及諸侯盟於臯鼬者也臯澤字相侶名與
字垂耳潁水又東逕潁陽城南竹書紀年曰孫何取
潁陽潁強城在東北潁水不得逕其北也潁水又東
南潁水入焉非洧水也

又東過西華縣北

今屬開封府

王莽更名之曰華望縣也有東故言西矣世祖光武
皇帝建武中封鄧晨為侯國漢濟北戴封字平仲為
西華令遇天旱慨治功無感乃積柴坐其上以自焚

火起而天雨暴至遠近歡伏永元十三年徵太常也
縣北有習陽城潁水逕其南也經所謂洧水流注之
也

又南過汝陽

何氏云地理志作女

縣北

今屬開封府

縣故城南有汝水枝流故縣得厥稱矣閼駟曰本汝
水別流其後枯竭號曰死女水故其字無水余按汝
女乃方俗之音故字隨讀改未必一如閼氏之說以
窮通損字也潁水又東大潁水注之又東南逕博陽

縣城東城在南頓縣北四十里漢宣帝封酈吉為侯

國王莽更名樂嘉

又東南過南頓縣北

今屬開封府項城縣

潁水從西來流注之

潁水於樂嘉縣入潁不至於頓頓故頓子國也周之

同姓春秋僖公二十五年楚伐陳納頓子於頓是也

俗謂之潁陰城非也潁水又東南逕陳縣南

今為河南陳州

又東南左會交口者也

又東南至新陽縣北潁蕩渠水從西北來注之

經云蕩蕩渠者百尺溝之別名也南合交口新溝自
是東出潁上有堰謂之新陽堰俗謂之山陽塢非也
新溝自潁北東出縣在水北故應劭曰縣在新水之
陽今縣故城在東明潁水不出其北蓋經誤耳潁水
自東堰南流逕項縣故城北今為項城縣屬開封府春秋僖公
十七年魯滅項是矣潁水又東右合谷水水上承平
鄉諸陂東北逕南頓縣故城南側城東注春秋左傳
所謂頓迫于陳而奔楚自頓徙南故曰南頓也今其

城在頓南三十餘里又東逕項城中楚襄王所郭

疑譌

以為別都都內西南小城項縣故城也舊潁州治谷

水逕小城北又東逕刺史賈逵祠北王隱言祠在城

北非也廟在小城東昔王凌為宣王司馬懿所執屈

廟而嘆曰賈梁道王凌魏之忠臣唯汝有靈知之遂

仰鵠而死

魏志王凌進位太尉假節鉞謂齊王不任天位欲迎立楚王彪遣將軍楊弘以廢立

事告兖州刺史黃華華私以白司馬宣王宣王將兵討之凌勢窮乘船自縛出迎宣王承詔送至京師凌

至項飲藥死又干寶晉紀曰凌到項見賈逵祠呼曰賈梁道王凌固忠于魏之社稷者唯汝有神知之其

年八月宣王有疾
夢凌遠為厲遂薨

廟前有碑碑石金生于寶曰黃金

可採為晉中興之瑞

王隱晉書云永嘉元年陳國項縣賈逵廟石碑生金人盜鑿取

賣賣已復生此江

東中興之瑞也

谷水又東流出城東注潁潁水東

側有公路城

公路城有二一在鳳陽城東一在盱眙縣

袁術所築也故世

因以術字名城矣潁水又東逕監潁城北城臨水關

南面又東逕雲陽二城間南北翼水並非所具又東

逕丘頭丘頭南枕水魏書郡國志曰宣王軍次邱頭

按宣王討王凌文王討諸葛誕俱至丘頭然改丘頭為武丘乃文王時事今屬之宣王則以兩事并為一

事矣事見魏志王凌傳及高貴鄉公紀

王凌面縛水次故號武邱矣潁

水又東南流於故城北細水注之水上承陽都陵

宋本

作陂水枝分東南出為細水東逕新陽縣故城北又

東南逕宋公縣故城北縣鄆丘者也秦伐魏取鄆丘

謂是邑矣

鄆丘去潁州治八里漢置新鄆縣屬汝南郡今呼為潁陽城

漢成帝綏

和元年詔封殷後於沛以存三統平帝元始四年改

曰宋公章帝建初四年徙邑於此故號新鄆為宋公

國也王莽之新延矣細水又南逕細陽縣

今潁州太和縣

新

溝注之新溝首受交口東北逕新陽縣故城南漢高
帝六年封呂清為侯國王莽更名曰新明也故應劭
曰縣在新水之陽今無水故渠舊道而已東入澤渚

而散流入細細水又東南逕細陽故城南

在今潁州西北四十

里王莽更之曰樂慶也世祖建武中封岑彭子遵為

侯國細水之

宋本作又

東南積而為陂謂之次塘公私列

宋本作弘

裂以供田溉又東南流屈而西南入潁地理志

曰細水出細陽縣東南入潁潁水又東南流逕胡城

東故胡子國也春秋定公十五年楚滅胡以胡子豹

歸是也杜預釋地曰汝陰縣西地有胡城也

在今潁州城西

北二潁水又東南汝水枝津注之水上承汝水別瀆

於奇額城東三十里世謂之大瀝水也東南逕召陵

縣故城南春秋左傳僖公四年齊桓公師于召陵責

楚貢不入即此處也城內有大井徑數丈水至清深

闕駟曰召者高也其地邱墟井深數丈故以名焉又

東南逕征羌縣故召陵縣之安陵鄉安陵亭也世祖

建武十一年以封中郎將來歙歙以征定西羌功故

更名征羌也關駟引戰國策以為秦昭王欲易地謂

此也汝水別瀆又東逕公路臺

此下原本錯在又東南過潁陽縣注中今

從朱本改正

臨水方百步袁術所築也汝水別溝又東逕

西門城即南利也漢書宣帝封廣陵厲王子劉昌為

侯國也縣北三十里有軌

疑

城號曰北利故瀆出於

二利之間關

疑

女陽之縣世名之死汝縣取水名故

曰汝陽也又東逕南頓縣故城

疑漏北字

又東南逕銅陽

城北

在今汝寧府新蔡縣界

又東逕郛鄉城北又東逕固始縣

今屬汝寧府

故城北地理志縣故寢也寢丘在南故藉丘

名縣矣王莽更名之曰治

按漢志莽曰開治此漏開字

孫叔敖以

土浸薄取而為封故能綿嗣城北猶有叔敖碑建武

二年司空李通又慕叔敖受邑故光武以嘉之更名

固始別汝又東逕蔡岡北岡上有平陽侯相蔡昭冢

昭字叔明周后稷之冑冢有石闕闕前有二碑碑字

淪碑不可復識羊虎傾低殆存而已枝汝又東北流

逕胡城南而東歷汝陰縣故城西北東入潁水潁水

又東逕汝陰縣故城北史記高祖功臣侯者年表曰

高祖六年封夏侯嬰為侯國王莽更名之曰汝墳也

縣在汝水之陰故以汝水納稱城西有一城故陶丘

鄉也汝陰

何氏云陰疑作南

郡汝

疑作治

城外東北隅有舊臺

翼城若丘俗謂之女郎臺雖經頽毀猶自廣崇上有

一井疑故陶丘鄉所未詳

洧水出河南密縣

今屬開封府均州

西南馬領山

明一統志洧水源出密縣

東至新鄭縣會溱水為雙
泊河至西華縣入黃河

水出山下亦言出潁川陽城山山在陽城縣之東北
蓋馬領之統目焉清水東南流逕一故臺南俗謂之
陽子臺又東逕馬領塢北在山上塢下泉流北注亦
謂洧別源也而入于洧水洧水東注綏水會焉水出
方山綏溪即山海經所謂浮戲之山也東南流逕漢
弘農太守張伯雅墓塋四周壘石為垣隅阿相降列
於綏水之陰庾門表二石闕夾對石獸於闕下冢前

有石廟列植三碑碑云德字伯雅河內密人也碑側

樹兩石人有數石柱及諸石數

疑謫當作獸

矣舊引綏水

南入瑩域而為池沼沼在丑地皆蟾蜍吐水石湟承

溜池之南又建石樓石廟前又翼列諸獸但物謝時

淪凋毀殆盡矣富而非義北

當作比

之浮雲况復此子

王孫士安斯為達矣

漢書楊王孫傳王孫家業千金厚自奉養及病且終先令其子

曰吾欲羸塋以反吾真必亡易吾意死則以布囊盛尸入地七尺既下從足引脫其囊以身親土晉書皇

甫謚傳謚字士安自為塋送之制氣絕之後綏水又以蓮蔭裹尸麻約兩頭穿坑而塋不用棺槨

東南流逕上郭亭南東南注洧洧水又東襄荷水注之水出北山子節溪亦謂之子節水東南流于洧洧水又東會瀝滴泉水出深溪之側泉流丈餘懸水散注故世士以瀝滴稱南流入洧水也

又東南過其縣南

洧水又東流南與承雲二水合俱出承雲山二源雙導東南流注於洧世謂之東西承雲水洧水又東微水注之水出微山東北流入於洧洧水又東逕密縣

故城南春秋謂之新城左傳僖公六年會諸侯伐鄭
圍新密以鄭不時城也今縣城東門南側有漢密令
卓茂祠茂字子康南陽苑人溫仁寬雅恭而有禮人
有認其馬者茂與之曰若非公馬幸至丞相府歸我
遂挽車而去後馬主得馬謝而還之任漢黃門郎遷
密令舉善而徵宋本作教口無惡言教化大行道不拾遺
蝗不入境百姓為之立祠享祀不輟矣洧水又左會
璅泉水水出王亭西北流注於洧水洧水又東南與

馬關水合水出王亭下東北流歷馬關謂之馬關水
又東北注於洧洧水又東合武定水水出北武定岡
西南流又屈而東南流逕零鳥塢西側塢東南流塢
側有水懸流赴壑一匹有餘直注澗下淪積成淵嬉
遊者矚望竒為佳觀俗人覩此水挂於塢側遂目之
為零鳥水東南流入於洧洧水又東與虎牘山水合
水發南山虎牘溪東北流入洧洧水又東南赤澗水
注之水出武定岡東南流逕皇臺岡下又歷岡東東

南流注於洧洧水又東南流潯水注之洧水又東南
逕鄆城南世本曰陸終娶於鬼方氏之妹謂之女漬

朱云今世本作陸終娶鬼方氏之妹謂之女嬪生子
六人大戴禮帝繫篇作女隤宋本水經注作女潰

是生六子孕三年啟其左脅三人出焉破其右脅三
人出焉其四曰求言是謂之鄆鄆人者鄭是也鄭桓

公問於史伯曰王室多難予安逃死乎史伯曰虢鄆

公之民遷之可也鄭氏東遷虢鄆獻十邑焉

史記鄭世家桓

公問太史伯曰王室多故予安逃死乎太史伯對曰
獨雒之東土河濟之南可居公曰何以對曰地近虢

鄆號鄆之君貪而好利百姓不附今公為司徒民皆
受公公誠請居之號鄆之君見公方用事輕分公地
公誠居之號鄆之民皆公之民也桓公曰善于
是卒言王東徙其民雒東而號鄆果獻十邑 劉植

云鄆在豫州外方之北北鄰於號鄆熒

朱本作熒

之南左

濟右洛居陽鄭兩水之間食溱洧焉徐廣曰鄆在密
縣姁姓矣不得在外方之北也洧水又東逕陰坂北
水有梁焉俗謂是濟為參辰口左傳襄公九年晉伐
鄭濟于陰阪次于陰口而還是也杜預曰陰坂洧津
也服虔曰登南曰陰口者水口也參陰聲相近蓋傳

呼之謬耳又晉居商參之分實沈之土鄭處辰火之野閼伯之地軍師所次故濟得其名也

又東過鄭縣南

鄆當作潯即鄭詩
潯與洧之潯

水從西北來注之一

統志潯水源出密縣一名潯
水東北至新鄭縣與洧水合

洧水又東逕新鄭故城中左傳襄公元年晉韓厥荀

偃帥諸侯伐鄭入其郛敗其徒兵於洧上是也竹書

紀年晉文侯二年同惠王子多父伐鄆克之

按竹書
紀年周

幽王二年晉文侯同王子多父伐鄆克之注云晉文
侯元年則二年乃幽王之二年非文侯二年也亦無

惠字鄩作鄩

乃居鄭父之丘名之曰鄭是曰桓公皇甫士

安帝王世紀云或言縣故有熊氏之墟黃帝之所都

也鄭氏徙居之故曰新鄭矣城內有貴

一作遺

祠名曰

章乘是也洧水又東為洧淵水春秋傳曰龍鬬于時

門之外洧淵則此潭也今洧水自鄭城西北入而東

南流逕鄭城南城之南門內舊外蛇與內蛇鬪內蛇

死六年大夫傅瑕殺鄭子入厲公自是微也

原本諺微事在

左傳莊十四年

水南有鄭莊公望母臺莊姜惡公寤生與段

京居段不弟姜氏無訓莊公居夫人於城賴誓曰不
及黃泉無相見也故成臺以望母甫伸在心之思感
考叔之言忻大隧之賦洩洩之慈有嘉融融之孝得
常矣洧水又東與黃水合經所謂潯水非也黃水出
太山南黃泉東南流經華城西史伯謂鄭桓公曰華
君之土也韋昭曰華國名矣史記秦昭王三十三年
白起攻魏拔華陽走芒卯斬首十五萬司馬彪曰華
陽亭名在密縣嵇叔夜常採藥於山澤學琴於古人

即此亭也

靈異志徂中散嘗西南去洛數十里有亭名華陽投宿一更中操琴聞空中稱善中

散呼與相見乃出見形以手持其頭共論音聲因授以廣陵散

黃水東南流又與上

水合水出兩塘中一源兩分泉流派別東為七虎澗水西流即是水也其水西南流注於黃水黃即春秋之所謂黃岬也故杜預云苑陵縣西有黃水者也又東南流水側有二臺也謂之積粟臺臺東即二水之會也捕章山水注之水出東捕章山西流注於黃水黃水又南至鄭城北東轉於城之東北與黃溝合水

出捕章山東南流至鄭城東北入黃水黃水又東南
逕龍淵泉東南七里溝水注之水出隙侯亭東南平
地東注又屈而南流逕升城東又其南歷燭城西即
鄭大夫燭之武邑也又南流注于洧水也

又東南過長社縣北

洧水東南流南濮北濮二水入焉洧入又東南與龍
淵水合水出長社縣西北有故溝上承洧水水盛則
通注龍淵水減則津渠輟流其瀆中澌泉南注東轉

為淵淥水平潭清潔澄深俯視游魚類若乘空矣所謂淵無潛鱗也又東逕長社縣故城北鄭之長葛邑也春秋隱公五年宋人伐鄭圍長葛是也後社樹暴長故曰長社魏潁川郡治也余以景明中出宰茲邑於南城西側修立客館版築既興於土下得一樹根甚壯大疑是故社怪長暴茂者也稽之故說縣無龍淵水名蓋出近世矣京相璠春秋土地名曰長社北界有稟水但是水導於隍壑之中非北界之所謂又

按京社地名並云長社縣北有長葛鄉斯乃縣徙于南矣然則是水即稟水也其水又東南逕棘城北左傳所謂楚子伐鄭救齊次于棘澤者也稟水又東左注洧水洧水又東南分為二水也其枝水東北流注沙一水東逕許昌縣故許南

疑作男

國也姜姓四岳之

後矣穆天子傳所謂天子見許男於洧上者也漢章

帝建初四年更封馬光為侯國

後漢書馬援傳建初四年封馬防潁陽侯

馬光許昌侯

春秋佐助期曰漢以許昌失天下及魏承漢

歷遂改名許昌也城內有景福殿基魏明帝太和中造淮價八百餘萬洧水又東入汶倉城內俗以是水為汶水故有汶倉之名非也蓋洧水之邸閣耳洧水

又東逕僞陵縣故城南

今屬開封府按漢志潁川郡僞陵縣莽曰左亭李竒曰六

國為安陵李竒曰六國為安陵也昔秦求易地唐且受使

於此戰國策秦王使人謂安陵君曰寡人欲以五百里之地易安陵安陵君使唐雎使于秦曰安陵

君受地于先王而守之雖千里不敢易也秦王怒曰公亦嘗聞天子之怒乎伏尸百萬流血千里睢曰大

王嘗聞布衣之怒乎夫專諸之刺王僚也彗星襲月聶政之刺韓傀也白虹貫日若士必怒伏尸二人流血

血五步天下編素今日是也挺漢高帝十二年封都
劍而起秦王色挽長跽而謝之

尉朱濞為侯國王莽更名左亭洧水又東僞陵陂水
注之水出僞陵南陂東西南流注於洧水也

又東南過新汲縣東北

洧水自僞陵東逕桐邱南俗謂之天井陵又曰岡非
也洧水又屈而南流水上有梁謂之桐門橋蓋藉桐
邱以取稱亦言取桐門亭而目焉然不知亭之所在
未之詳也洧水又東南逕桐丘城春秋左傳莊公二

十八年楚伐鄭鄭人將奔桐丘即此城也杜預春秋

釋地曰潁川許昌城東北京相璠曰鄭地也今圖疑

無而城見存西南去許昌故城可三十五里俗名之

曰堤其城南即長堤因

疑謫或當作固

洧水之北防也西面

桐丘其城邪長而不方蓋憑丘之稱即城之名矣洧

水又東逕新汲縣故城北漢宣帝神雀二年

漢志作三年

置於許之汲鄉曲洧城以河內有汲縣故加新也漢

宣帝建初四年封執金吾馬光為侯國

漢宣帝以下十六字疑屬

衍又蓋馬光無新汲之城在洧水南堤上又東洧水封况已見前不應重出

右迤為濩陂洧水又逕匡城南

匡城在睢州城西三十里

扶溝之

匡亭也又東洧水左迤為鴨子陂也

疑

謂之大穴口

也

又東南過茅城邑之東北

洧水自穴口東南逕洧陽城西南逕茅城東北又南

左合庾溝溝水上承洧水於大穴口東北枝分東逕

洧陽故城南俗謂之復陽城非也蓋洧復字類音讀

變漢建安中封司空祭酒郭奉孝為侯國其水又東

南為鴨子陂陂廣一十五里餘陂南入甲庾溝西注

又

朱云當作洧

東北瀉沙洧水又南逕一故城西世謂之

思鄉城西去洧十五里洧水又右合濩陂水上承洧

水新汲縣南逕新汲故城東又南積而為陂陂之西

北即長舍城陂水東翼洧堤西面茅邑自城北門列

築昆道迄於此岡世尚謂之茅岡即經所謂茅邑地

也陂水北出東入洧津

上下疑有譌

西納北異流

又東過習陽城西折入於潁

洧水又東南逕辰亭東俗謂之田城非也蓋田辰聲

相近城亭音韻聯故也經書魯宣公十一年楚子陳

侯鄭伯盟于辰陵也京相璠曰潁川長平有故辰亭

杜預曰長平縣東南有辰亭今此城在長平城西北

長平城在東南

城今在西華縣東北

或杜氏之謬傳書之誤耳

長平東南淋陂北畔有一阜東西減里南北五十許

步俗謂之新亭臺又疑是杜氏所謂辰亭而未之詳

也洧水又南逕長平縣故城西王莽之長正也洧水
又南分為二水枝水東出謂之五梁溝逕習陽城北
又東逕赭邱南丘上有故城郡國志曰長平故屬汝
南縣有赭丘城即此城也又東逕長平城南東注潞
陂洧水南出謂之雞籠水故水會有籠口之名矣洧
水又東逕習陽城西西南折入潁地理志曰洧水東
南至長平縣入潁者也

潏水出河南密縣大騄山

明一統志潏水源出大騄山
名魯固河一名清流河東南

逕長葛縣西又東
至臨潁縣入潁水

大駝即具茨山也黃帝登具茨之山升於洪堤上受

神芝圖於黃蓋童子即是山也

抱朴子云黃帝東到青丘見紫府先生受

三皇內文以勅召萬神西見中黃子受九加之方北到洪堤上具茨見大駝

黃蓋童子受神芝圖還陟

王屋得神丹金訣

溪水

疑作

出其阿而流為陂俗謂之玉女

池東逕陘山北史記魏襄王六年敗楚於陘山者也

山上有鄭祭仲冢冢西有子產墓累石為方墳墳東

有廟並東北向鄭城杜元凱言不忘本際廟舊有一

枯柏樹其塵根故枝之上多生雉

疑作雉

柏列秀青青

望之奇可嘉矣渙水又東南逕長社林

疑謫當作故

城西

北南濮北濮二水出焉劉澄之著永初記云水經濮

水源出大駟山東北流注泗衛靈聞音於水上殊為

垂矣

韓非子云衛靈公至濮聞新聲使師涓寫之至晉而奏之師曠曰此紂時所謂靡靡之樂乃亡

國之聲也余按水經為渙水不為濮也是水首受溪水

疑作

渙水川渠雙引俱東注洧與之過沙枝流脉亂互得通

稱是以春秋昭公九年遷城父人於陳以夷濮西田

益之京相璠云以夷之濮西田益也杜預亦言以夷
田在濮水西者與城父人服虔曰濮水名也且字類
音同津瀾邈別不得為北濮上源師氏傳音於其上
矣濮水又南逕鍾亭西又南逕皇臺又東南逕關亭
西又東南逕宛亭西鄭大夫宛射犬之故邑也濮水
又南分二水一水南出逕胡城東故潁陰縣之狐人
亭也其水南結為陂謂之胡城陂濮水自枝渠東逕
曲強東皇陂水注之水出西北皇臺七女岡北皇陂

即古長社縣之濁澤史記魏惠王元年韓懿侯與趙成侯合軍伐魏戰於濁澤是也其陂水北對雞鳴城

即是

是字謬
應作長

社縣之濁城也陂水東南流逕胡泉城北

故潁陰縣之狐宗鄉也又東合狐城陂水水上承陂水而東南流注于黃水謂之合作口而東逕曲強城

北東流入潁水時人謂之勅水非也勅潁音相類故

字從聲變耳渭

當作潁

水又東逕武亭間兩城相對疑

是古之岑門史遷所謂走犀首于岑門者也徐廣曰

潁陰有岑亭未知是否

後漢郡國志潁陰有岸亭史記魏世家哀王五年走犀首

岸門徐廣曰潁陰有岸亭正義曰括地志云岸門在長社縣西北十八里今名西武亭此云岑門岑亭皆

誤

潁水又南逕射犬城東即鄭公孫射犬城也蓋俗

謬耳潁水又南逕潁陰縣故城西魏明帝封司空陳

羣為侯國潁水又東逕許昌城南又東南與宣帝陂

按下文當作宣梁陂

水合陂上承狼陂於潁陰城西南陂南北

二十里東西十里春秋左傳曰楚子伐鄭師于狼是

也其水東南入許昌縣逕巨陵城北鄭地也春秋左

傳莊公十四年鄭厲公獲傅瑕於大陵京相璠曰潁川臨潁縣東北二十五里有故巨陵亭古大陵也其水又東積而為陂謂之宣梁陂也陂水又東南入潁水潁水又西南流逕陶城西又東南逕陶陂東東南入于潁

此句原本另行作經文今改作此節注

潁水出鄭縣西北平地

潁水出潁城西北雞絡塢下東南流逕賈復城西

今南

陽府汝州東南一百里有賈復城但與鄭縣相去甚遠恐非此城

東南流左右

疑作合

浹水水出賈復城東南流注于漕漕水又南左會承

雲山水水出西北承雲山東南歷渾于江

宋本作渾子岡東

注世謂岡峽

宋本作峽

為五鳴口東南流注于漕漕水又

東南流歷下田川逕鄒城西謂之為柳泉水也故史

伯荅桓公曰君以成周之衆奉辭伐罪若剋虢鄒君

之土也如前華後河右洛左濟王丕驪而食漕消

鄭語

作主朱驪而食漆消韋昭云朱驪山名在密縣

循典刑以守之可以少固即

謂此矣漕水又南懸流奔壑崩注文餘其下積水成

潭廣四十許步淵深難測又南注于洧詩所謂溱與洧者也世所謂之為漕水也

東過其縣北又東南過其縣東又南入于洧水

自鄆漕東南更無別瀆不得逕新鄭而會洧也鄭城東入洧者黃崖水也蓋經誤證耳

渠出滎陽北河東南過中牟縣之北

今屬開封府

風俗通曰渠者水所居也渠水自河與洧亂流東滎
疑澤北東南分涉歷中牟縣之圃田澤北與陽武分

水澤多麻黃草故述征記曰踐縣境便覩斯卉窮則
知踰界今雖不能然諒亦非謬詩所謂東有圃艸也
皇武子曰鄭之有原圃猶秦之有具囿澤在中牟縣
西西限長城東極官渡北佩渠水東西四十許里南
北二百許里中有沙岡上下二十四浦津流逕通淵
潭相接各有名焉有大斬小斬大灰小灰義魚縑秋
大白楊小白楊散嚇禹中牟圉大鵠龍澤鬯罷大哀
小哀大長小長大縮小縮伯丘大益牛眠等浦

上云
二十

四浦而浦名僅二十三按太平御覽引此注大鵠下
尚有小鵠此遺去故止二十三耳又大斬小斬作大
漸小漸禹中作禺中電罷作
密罷牛眠作牛眼俱與此異 水盛則北注渠溢則南

播故竹書紀年梁惠成王十年入河水于甫田又為
大溝而引圃水者也又有一瀆自酸棗受河道自漢
瀆歷酸棗逕陽武縣南出世謂之十字溝而屬於渠
或謂是瀆為梁惠王十年所開而不能詳也斯浦乃
水澤之所鍾為鄭隰之淵藪矣渠右合五池溝上承
澤水下流渠謂之五池口魏嘉平二年司馬懿師中

軍討太尉王凌於壽春自彼而還帝使侍中韋誕勞
軍于五池者也今其地為五池鄉矣渠又東不家溝

宋本作
十家溝

水注之出京縣東南梅山北溪春秋襄公十

八年為子馮公子格率銳師侵費右迴梅山杜預曰
在密東北即是山也其水自溪東北流逕管城西故
管國也周武以封管叔矣成王幼弱周公攝政管叔
流言曰公將不利於孺子公賦鵙鵙以伐之即東山
之詩是也左傳宣公十二年晉師救鄭楚次管以待

之杜預曰京縣東北有管城者是也俗又謂之為管
水東北分為二水一水東北流注黃雀溝謂之黃淵
淵周一百步其一水東越長城東北流水積為淵南
北二里東西百步謂之百尺水北入圃田澤分為二
水一水東北逕東武強城北漢書曹參傳擊羽嬰於
昆陽追至業按傳當作葉注葉南陽縣也音式陟反還攻武強因至滎
陽薛瓚云按武強城在陽武縣即斯城也漢高帝六
年封騎將莊不識為侯國又東北流左注于渠為不

宋本作
十下同

家水口也一水東流又屈而南轉東南注白

溝也渠又東清池水注之清池水出清陽亭西南平

地東北流逕清陽亭南東流即故清人城也詩所謂

清人在彭彭為高尅邑也故杜預春秋釋地云中牟

縣西有清陽亭是也清水又屈而北流至清口澤七

虎澗水注之水出畢城南岡一源兩派津川趣別西

入黃崖溝東為七虎溪亦謂之為華水也又東北流

紫光溝水注之水出華陽城東北而東流俗名曰紫

光澗又東北注華水華水又東逕裴城北即北林亭也春秋文公與鄭伯宴于裴林子家賦鴻鴈者也春秋宣公元年諸侯會于裴林以伐鄭楚救鄭遇於北林服虔曰北林鄭南地也京相璠曰今滎陽宛陵縣有故林鄉在新鄭北故曰北林也余按林鄉故城在新鄭東北七十許里宛陵故城在東南五十許里不得在新鄭北也考京服之說並為踈矣杜預云滎陽中牟縣西南有林亭在鄭北今是亭南去新鄭故城

四十許里蓋以南有林鄉亭故杜預據是為北林最
為密矣又以林鄉為棐亦或疑焉諸侯會棐楚遇于
此寧得知不在是而更指他處也稽古之傳事或不
謬矣又東北逕鹿臺南岡北出為七虎澗東流期水
注之水出期城西南平地世號龍淵水東北流又北
逕期城西又北與七虎澗合謂之虎谿水亂流東注
逕期城北東會清口水司馬彪郡國志曰中牟有清
口水即是水也清水又東北白溝水注之水有二源

北水出密之梅山東南而東逕靖城南與南水合水

南出合太山

宋本作南水
屈合太水

西北流至靖城南左注北

水即承水也山海經曰承水出太山之陰東北流注

于沒水者也世所謂之靖澗水也又東北流太水注

之水出太山東平地山海經曰太水出于太山之陽

而東南流注于沒水世謂之澧水也東北逕武陵城

西東北流注于承水又東北入黃窰澗北逕中陽城

西城內有舊臺甚秀臺側有陂池池水清深澗水又

東屈逕其城北竹書紀年梁惠成王十七年鄭釐侯
來朝中陽者也其水東北流為白溝又北東逕伯禽
城北蓋伯禽之魯往逕所由也屈而南流東注于清
水即潘岳都碑所謂自中牟故縣以西西至于清溝
指是水也亂流東逕中牟宰魯恭祠南漢和帝時右
扶風魯恭字仲康以太尉掾遷中牟令政專德化不
任刑罰吏民敬信蝗不入境河南尹袁安疑不實使
部掾肥親按行之恭隨親行阡陌坐桑樹下雉止其

傍有小兒親曰兒何不擊雉曰將雛親起曰蟲不入境一異化及鳥獸二異豎子懷仁三異久留非優賢請還是年嘉禾生縣庭安美其治以狀上之徵博士侍中車駕每出恭常陪乘上顧問民政無所隱諱故能遺愛自古祠饗來今矣清溝水又東北逕沈清疑即博浪亭也

博浪城在今開封府城北三十里一名博浪沙亭

服虔曰博浪

陽武二水沙名也今有亭所未詳也歷博浪澤昔張良為韓報仇於秦以金椎擊秦始皇不中中其副車

於此又北分為二水枝津東注沒水清水自枝流北
注渠謂之清溝口渠又左逕陽武縣故城南東為官
渡水又逕曹太祖壘北有高臺謂之官渡臺渡在中
牟故世又謂中牟臺建安五年太祖營官渡袁紹保
陽武紹連營稍前依沙堆為屯東西數十里公亦分
營相禦合戰不利紹進臨官渡起土山地道以逼壘
公亦起高臺以捍之即中牟臺也今臺北土山猶在
山之東悉紹舊營遺壘並存水又東逕田豐祠北袁

本初慙不納其言害之時人嘉其誠謀無辜見戮故立祠於是用表袁氏覆滅之宜矣又東役水注之水

出苑

原本
譌苑

陵縣西隙侯

按郡國志河南苑陵縣有瑣侯亭左傳襄十一年諸侯之

師次于瑣杜預曰縣西有瑣侯亭此云隙侯疑誤蓋隙乃古文隙字與瑣不通惟韻會云瑣或作璫則璫或璫之譌但下文云隙卻聲相近則原作隙字用與左傳注及郡國志俱不合寔所未解

亭東世

謂此亭為却城非也蓋隙却

疑作却
上同

聲相近耳中平

陂世名之塗泉也即古役水矣山海經曰役山役水所出北流注于河疑是水也東北流逕苑陵縣故城

北東流北逕焦城東陽邱亭西也謂之焦溝水竹書

紀年梁惠成王十六年秦公孫壯武

按竹書當作伐

鄭圍焦

城不剋即此城也俗謂之驛城非也役水自陽邱亭

東流逕山氏城北為高榆淵竹書紀年梁惠成王十

六年秦公孫壯率師城上枳安陵山氏

按竹書當作民

者也

又東北為酢溝又東北魯溝水出焉役水又東北逕

溝水出焉又東北為八丈溝又東清水枝津注之水

自沈城東派注于役水又東逕曹公壘南東與沫水

合山海經云沫水所出北流注于役

山海經作末山末水出焉北流

注于沒郭注云水經注作沫

今是水出中牟城西南疑即沫水也

東北流逕中牟縣故城昔趙獻侯自耿都此班固云

趙自邯鄲徙焉趙襄子時佛肸以中牟叛置鼎於庭

不與己者烹之田英將褰裳赴鼎處也

說苑云佛肸以中牟畔曰

與我者受邑不與我者烹之城北餘子田基獨後至

曰義者軒冕在前非義弗乘祛衣將入鼎佛肸屢起

而生之趙簡子屠中牟論有功者用田基為首基曰

庶士不恥人我如受功則中牟之士終身慚矣負其

母南徙于楚新序作田薛瓚注漢書云中牟在春秋

卑此作田英未知孰是

之時為鄭之堰也及三卿分晉則在魏之邦土趙自漳北不及此也春秋傳曰衛侯如晉過中牟非衛適晉之次也汲郡古文曰齊師伐趙東鄙圍中牟此中牟不在趙之東也按中牟當在濕水之上矣按春秋齊伐晉夷儀晉車千乘在中牟衛侯過中牟中牟人欲伐之衛褚師固亡在中牟曰衛雖小其君在未可勝也齊師剋城而驕遇之必敗乃敗齊師服虔不列中牟所在杜預曰今滎陽有中牟迴遠疑為非也然

地理參差土無常域隨其強弱自相吞并疆理畱移
寧可一也兵車所指逕紆難知自魏徙大梁趙以中
牟易魏故趙之南界極于浮水匪直專渾

朱本作張

也趙

自西取後止中牟齊師伐其東鄙於宜無嫌而瓚逕
濕水空言中牟所在非論證也漢高帝十一年

按史表是

十二年封單父聖為侯國沫水又東北注于役水昔魏

太祖之背董卓也間行出中牟為亭長所錄

魏志董卓廢帝

京都大亂卓表太祖為駙騎校尉太祖乃變易姓名
間行東歸過中牟為亭長所執詣縣邑中或竊識之

為請
得解

郭長公世語為縣所拘功曹請釋焉役水又東

北逕中牟澤即鄭太叔攻荏蒲之盜於是澤也

左傳
昭二

十一年鄭太叔為政不忍猛而寬鄭國多盜取人于
荏苒之澤太叔悔之興徒兵以攻荏苒之盜盡殺之

其水東流北屈注渠水征績記

朱云征當作伍
績之有述征記

所

謂自醬魁城到酢溝十里者渠水又東流而左會淵

流其水上承聖女陂陂周二百餘步水無耗竭湛然

清滿而南流注于渠渠水又東南而注大梁也

又東至浚儀縣

今為開封府祥符
縣河南布政司治

水東南逕西赤城北戴延之所謂西北有大梁亭非也竹書紀年梁惠成王二十八年穰庇率師及鄭孔夜戰于梁赫鄭師敗逋即此城也左則故瀆出焉秦始皇二十年王賁斷故渠引水東南出以灌大梁謂之梁溝又東逕大梁城南本春秋之陽武高陽鄉也於戰國為大梁周梁伯之居也梁伯好土功大其城號曰新里民疲而潰秦遂取焉後魏惠王自安邑徙都之故曰梁耳竹書紀年梁惠成王六年四月甲寅

徙邦于大梁是也秦滅魏以為縣漢文帝封孝王於
梁孝王以土地下濕東都睢陽又改曰梁自是置縣
以大梁城廣居其東城夷門之東夷門即侯嬴抱關
處也續述征記曰以此城為師曠城言郭緣生曾遊
此邑踐夷門升吹臺終古之跡緬焉盡在余謂此乃
梁氏之臺門魏惠之朝居疑當作所居非吹臺也當是誤
證耳西征記論儀封人即此縣又非也竹書紀年梁
惠成王三十一年三月為大溝於北郭以行圃田之

水陳留風俗傳曰縣北有浚水像而儀之故曰俊儀

余謂故汴涉

疑當作汴涉

陰溝矣浚之故曰浚其猶春秋

之浚洙漢氏之儀水又東北逕中牟縣南又東北逕

中牟澤與淵水合水出中牟縣城北城有層臺按郭

頌

何氏校當作郭長公

世語及干寶晉紀並言中牟縣故魏任

城王臺下池中有漢時鐵錐長六尺入地三尺頭西

南指不可動止

疑有謫脫一作至

月朔自正以為晉氏中興

之瑞而今不知所在或言在中陽城池臺未知焉是

淵水自池西出屈逕其城西而東南流注于汜汜水
又東逕大梁亭南又東逕梁臺南東注渠渠水又東
南流逕開封縣睢渙二水出焉右則新溝注之其水

出逢池

蓬池在今開封府城北本春秋時蓬澤左傳宋景公使人告左師曰蓬澤有介麋焉吾與

之田若何徐廣曰蓬澤即蓬池也又晉阮籍詩云徘徊蓬池上還望顧大梁唐明皇帝改為福源池禁熱

採

池上承役水于苑陵縣別為魯溝水東南流逕開

封縣故城北漢高帝十一年封劉舍為侯國也

按史表高

帝十一年封陶舍為開封侯今云劉舍誤

陳留志稱阮蘭字茂弘為開封

令縣側有劫賊外白甚急數阮方圍墓長嘯吏云劫
急阮曰局上有劫亦甚急其耽樂如是故語林曰王
中郎以圍墓為坐隱或亦謂之為手談又謂之為墓
聖魯溝南際富城東南入百尺陂即古之逢澤也徐
廣史記音義云秦孝公會諸侯于逢澤陂陂汲郡墓

按史記秦本紀孝公二十年使公子少官率師會諸
侯于逢澤徐廣曰開封東北有逢澤秦孝公句乃史
記原文非徐廣音義且增一陂字又陂竹書紀年作
汲郡墓四字亦與上文不接疑有譌誤

逢澤斯其處也故應德璉西征賦曰鸞衡東指弭節

逢澤其水東北流為新溝新溝又東北流逕牛首鄉

北謂之牛建城又東北注梁

一作渠

即沙水也音蔡許

慎正作沙音言水散石也從水少水沙見矣楚東有沙水謂此水也無佗也皆變名矣其國多池沼時池中出神劍到今其民像而作之號大梁氏之劍也渠又北屈分為二水續述征記曰汴沙到浚儀而分也汴東注沙南流其水更南流逕梁王吹臺東陳留風俗傳曰縣有倉頡師曠城上有列仙之吹臺北有牧

澤中出蘭蒲土多僂髻衿帶牧澤方一十五里俗謂之蒲闕澤即謂此矣梁王增築以為吹臺城隍夷滅略存故跡今層臺孤立於牧澤之右矣其臺方一百許步即阮嗣宗詠懷詩所謂駕言發魏都南向望吹臺蕭管有遺音梁主安在哉晉世喪亂乞活憑居削墮故基遂成二層上基猶方四五十步高一丈餘世謂之乞活臺又謂之婆臺城梁水於此有陰溝洪溝之稱焉項羽與漢高分王指是水以為東西之別故

蘇秦說魏襄王曰大王之地南有鴻溝是也故尉氏縣有波鄉亭波亭鴻溝鄉鴻溝亭皆藉水以立稱也

今蕭縣

原本譌作蕭縣今為江南徐州治

西亦有鴻溝亭梁國睢陽

縣

今為歸德府治

東有鴻口亭先後談者亦指此以為楚漢

之分王非也蓋春秋之所謂紅澤者矣渠口與汜水

合其水上承汜水於宛陵縣縣故鄭都也王莽之左

亭縣也汜水枝津東派為汜水者也而世俗謂之泥

溝水也

朱本作汜溝水

春秋左傳僖公三十年晉侯秦伯圍

鄭晉軍幽陵秦軍汜南所謂東汜者也

又屈南至扶溝縣北

今屬開封府及通許縣洧川縣地

沙水又東南逕牛首鄉東南魯渠水出焉亦謂之宋溝也又逕陳留縣故城南孟康曰留鄭邑也後為陳并故曰陳留矣魯溝又東南逕圉縣故城北縣苦楚難修其干戈以圉其患故曰圉也或曰邊陲之號矣歷萬人散王莽之篡也東郡太守翟義興兵討莽莽遣奮威將軍孫建擊之於圉北義師大敗尸積萬數

血流溢道號其處為萬人散百姓哀而祠之又歷魯
溝亭又東南至陽夏縣故城西漢高祖六年封陳豨
為侯國魯溝又南入渦今無水也沙水又東南逕斗
城西左傳襄公三十年子產殯伯有尸其臣葬之於

是城也

左傳襄公三十年鄭伯有者酒為窟室而夜飲酒擊鐘焉朝至未已朝者曰公焉在其人

曰吾公在壑谷皆自朝布路而罷子皙以駟氏之甲伐而焚之伯有奔雍梁醒而後知之遂奔許已而自墓門之潰入因馬師頡介于襄庫以伐舊北門駟帶率國人以伐之伯有死于羊肆子產禭之枕之股而哭諸斂而殯諸伯有之臣在市側者既而葬之斗城沙水又東南逕牛首亭東

左傳桓公十四年宋人與諸侯伐鄭東郊取牛首者也俗謂之車牛城矣沙水又東南八里溝出焉又東

南逕陳留縣

今屬開封府

裴氏鄉裴氏亭西又逕澹臺子

羽冢東與八里溝合按陳留風俗傳曰陳留縣裴氏鄉有澹臺子羽冢又有子羽祠祈禱焉京相璠曰今泰山南武城縣有澹臺子羽冢縣人也未知孰是因其方誌所叙就記纏絡焉溝水上承沙河而西南流逕牛首亭南與百尺陂水合其水自陂南逕開封城

東三里岡左屈而西流南轉注八里溝又南得野兔
水口水上承西南兔氏亭北野兔陂鄭地也春秋傳
云鄭伯勞屈生于兔氏也陂水東北入八里溝八里
溝水又南逕右倉城西又南逕兔氏亭東又南逕邵
亭西東入沙水沙水南逕扶溝縣故城東縣即潁川
之數宋本
作穀平鄉也有扶亭又有洧水溝故縣有扶溝
之名焉建武元年漢光武封平狄將軍朱鮪為侯國
沙水又東與康溝水合水首受洧水於長社縣東東

北逕向岡西即鄭之向鄉也後人遏其上口今水盛則北注水耗則輟流又有長明溝水注之水出苑陵縣故城西北縣有二城此則西城也二城以東悉多陂澤即古制澤也京相璠曰鄭地杜預曰澤即滎陽苑陵縣東即春秋之制田也故城西北平地出泉謂之龍淵泉淵水流逕陵丘亭西又西重泉水注之水出西城北平地泉湧南流逕陵丘亭西西南注龍淵水龍淵水又東南逕允陽亭西而南入白鴈陂陂在

長社東北東西七里南北十里在林鄉之西南司馬

彪郡國志曰苑陵有林鄉亭白鴈陂又引瀆南流謂

之長明溝東轉北屈又東逕向城北城側向岡左傳

襄公十一年諸侯伐鄭師于向者也又東右迤為染

二陂

朱云染二疑作染
工宋本作染澤

而東注于蔡澤陂長明溝又

東逕尉氏縣

今屬開封府

故城南園稱云尉氏鄭國之東

鄙弊獄官名也鄭大夫尉氏之邑

朱云弊獄謂斷獄也見周禮秋官注

應劭曰古獄官曰尉氏鄭之別獄也

故樂盈曰盈將歸死于尉氏也溝

瀆自是三分北分為康溝東逕平陸縣故城北高后

元年

按史記表是景帝元年封

封楚元王子禮為侯國建武元年

以戶不滿三千罷為尉氏縣之陵樹鄉又有陵樹亭

漢建安中封尚書荀攸為陵封鄉侯

按魏志荀攸傳作陵封亭侯

故陳留風俗傳曰陵樹鄉故平陸縣也北有天

當作大

澤名曰長樂廐康溝又東逕扶溝縣之白亭北陳留

風俗傳曰扶溝縣有帛鄉帛亭名在七鄉十二亭中

康溝又東逕少曲亭陳留風俗傳曰尉氏縣有少世

疑作亭俗謂之為小城也又東南逕扶溝縣故城東

而東南注沙水沙水又南會南水其水南流又分為

二水一水南合闕亭東又東南流與左水合其水自

枝瀆南逕召陵亭西疑即扶溝之亭也而東南合石

水世以是水與雋陵陂水雙導亦謂之雙溝又東南

入沙水沙水南與蔡澤陂水合水出鴈陵

前漢地志作雋陵後

漢郡國志作鴈陵

春秋成公十六年晉楚相遇于鴈陵呂錡

射中共王目王召養由基使射殺之亦子反醉酒自

斃處也陂東西五里南北十里陂水東逕匡城北城

在新汲縣之東北即扶溝縣之巨疑作亭也亭在匡

城郭

朱本作郭
宋本作鄉

春秋文公元年諸侯朝晉衛成公不

朝使孔達侵鄭伐繇訾及匡即此邑也今陳留長垣

縣

今屬開州

南有匡城即平邱之匡亭也襄邑又有承匡

城然匡居陳衛之間亦徃徃有異邑矣陂水又東南

至扶洛

宋本作扶溝

城北又東南入沙水沙水又南逕小

扶城西而流也城即扶溝縣之平周亭東漢順帝永

平中

永平乃明帝年號非順帝也

封陳敬王孫子恭為侯國

按後漢書

明帝八王傳陳敬王美永平三年封廣平王立三十七年薨子鈞嗣立二十一年薨子棟嗣立二年薨無

子立絕安帝永初七年封敬王孫安國為耕亭侯傳所載止此則敬王之孫無名子恭者不知此何據耶

沙水又東南逕大扶城西城即扶鄉故縣也城北二

里有索梁碑云梁陳扶樂人後漢世祖建武十七年

更封劉隆為扶樂侯即此城也渦水於是分焉不得

在扶溝北便分為二水也

其一者東南過陳縣也

疑作北

沙水又東南逕東華城西又東西

宋本作南

沙水枝瀆西

南達洧謂之甲更溝

宋本作甲鹿溝

今無水沙水又南與廣

漕渠合上承龐官陂云鄧艾所開也雖水流廢興溝

瀆尚夥昔賈逵為魏豫州刺史通運渠二百里餘亦

所謂賈侯渠也而川渠逕復交錯畛陌無以辨之沙

水又東逕長平縣

今省入西華縣

故城北又東南逕陳城北

故陳國也伏義神農並都之城東北三十許里猶有

羲神實中

此句疑有譌誤

舜後媯滿為周陶正武王賴其器

用妻以元女大姬而封諸陳以備三恪大姬好祭祀
故詩所謂坎其擊鼓宛丘之下也宛丘在陳城南道
東王隱云漸欲平今不知所在矣楚討陳殺夏徵舒
於栗門以為夏州後城之東門內有池池水東西七
十步南北八十許步水至清潔而不耗竭不生魚草
水中有故臺處詩所謂東門之池也城內有漢相王
君造四縣邨碑文字剝缺不可悉識其略曰唯茲陳
國故曰淮陽郡云云王清惠著聞為百姓畏愛求賢

養士千有餘人賜與田宅更舍自損奉錢助之成邸
五官掾西華陳騏等二百五人以延熹二年云云故
其頌曰修德立功四縣回附

一作向附
一作內附

今碑之左右

遺墉尚存基礎猶在時人不復尋其碑證云孔子廟
學非也後楚襄王為秦所滅徙都於此文潁曰西楚
矣三楚斯其一焉城南郭裏又有一城名曰淮陽城
子產所置也漢高帝十一年以為淮陽國王莽更名
新平縣曰陵陳

漢志作
陳陵

故豫州治王隱晉書地道記

云城北有故沙名之為死沙而今水流津通漕運所
由矣沙水又東而南屈逕陳城東謂之百尺溝又南
分為二水沙水出焉溝水東南流谷水注之水源上
承澇陂陂在陳城西北南暨華城皆為陂矣陂水東
流謂之谷水東逕澇城北王隱曰犖北有谷水是也
犖即檉矣經書公會齊宋于檉者也杜預曰檉即犖
也在陳縣今為陳州屬開封府西北為非檉小城也在陳郡西
南谷水又東流逕陳城南又東流入于沙沙水又東

南流注于潁謂之交口水次有大堰卽古百尺堰也
魏書國志曰司馬宣王討太尉王凌大軍至百尺塢
卽此塢也今俗呼之爲山陽堰非也蓋斯水首受潁
於百尺溝王莽名郡爲新平故堰兼有新陽之名也
以是推之悟故俗謂之非也

又東南至汝南新陽縣北

沙水自百尺溝東逕寧平縣之故城南晉陽秋稱晉
太傅東海王越之東奔也石勒追之憤

疑謫當作
憤卽焚字尸

於此數十萬衆歛手受害勒縱騎圍射尸積如山王
夷甫死焉余謂俊者所以知勝羣情辨者所以文身
祛惑夷甫雖體荷雋令口擅雌黃汙辱君親獲罪羯
勒史官方之舉正諒為褻矣沙水又東積而為陂謂
之陽都明水注之水上承沙水之津東出逕汝南郡
之宜祿縣故城北王莽之賞都亭也明水又東流北注
于陂陂水東南流謂之細水又東逕新陽縣北又東
高被水東出焉沙水又東分為二水即春秋所謂夷

夷濮之水也枝津北逕譙縣故城南

今為鳳陽府亳州

側城

入渦沙水東南逕城父縣西南枝津出焉俗謂之章

水也一水東注即注水也俗謂之欠水也東逕城父

縣之故城南

在今鳳陽府亳縣東南七十里

又東南過山桑縣北

今鳳陽府蒙城縣

山桑故城在渦水北沙水不得逕其北明矣經言過

北誤也

又東南過龍亢縣南

今鳳陽府懷遠縣西北八十里有龍亢故城又河南歸德府亦有龍

亢故城

沙水故城北又東南逕白鹿城北而東注也

又東南過義城縣西

廢義成縣在今鳳陽府霍邱縣北四十里

南入于淮

義成縣故屬沛後隸九江沙水東流注于淮謂之沙

汭泉相璫曰楚東地也春秋左傳昭公二十七年楚

令尹子常以舟師及沙汭而還杜預曰沙水名也

水經注集釋訂訛卷二十二